





陳居一太史遺集序

孔子曰文不在茲乎又曰後死

者不得與於斯文也蓋不徒

以得與斯文為慶而凡與於

斯文者悉與共命出入息



同一鼻孔不啻鷓，鰈之爲已
者杜少陵曰文章有神交有
道夫惟有神之文章而後
有之道之交文之神即交之
道也姑無暇高引唐之韓

柳李杜元白宋之歐曾蘇黃
尤楊所著述既聰鑣轡則
終身顯晦愉戚咸與共之
即飲食咀味通一腸腑笑
啼俛仰無異顏面氣誼之

合難以事指嘗為西言以既
其大者曰藝成而聞譽未洽
榮途未殘則先達者任其梯
援言立而朝霞溘先名山未
副則後死者司其結集嗟乎

此誼察之久矣予友王季延天
下有心人幼即以文章自任貌
僅勝衣而中堅卓墜毅然以古
人自期待不借矜矜不輕誹諛
獨與故陳太史居一投分襟纓

切磋觚翰一篇一句必商榷而後定返其滿志又互相獎誦互相印入交味之甘有他人不得參者其視古昔並起諸公誠未知何如然而不可謂無其意矣太

史英年上第入讀中秘書挾亢爽道邁之氣將盡夷前人營壘部署其雄勝間取芋綿玄冷則不棄晉宋間季延文必取途韓柳李杜大開大闔

橫溢波瀾平生所雜汨方言裨
說與竺乾之書茹精籛滓無
不爛然散布快其所欲言而後已
要之此兩君文皆矐目坦胷自
手畫圓畫方不隨人指授者

也太史庶吏子為侍從浹歲而
歿所遺僅書數麓破琴短劍
未易致赤亥父稿散落季延
為歲月捃拾良苦又同高采薜
割硯田以褰殺青之費今巍然

有全集矣予亦識太史於蕪露
時會其謬以前行推余：又有
四方之役不及脩深契晚而得
交季延交季延而後得盡讀太
史文也嗟乎季延寧獨不負太

史將宇宙來迄於無窮兀思
以文章為共命者其氣息光
焰倍有增進不可謂非斯文之
功首也

崇禎辛未孟夏一日邑人李

日華識



陳庶常遺集敘



天之生才實難梁欂之材或中
道天人彌惜之我友陳居一庶
常人品文品俱屬海內第一而
勇猛道義博綜經濟才品亦偉

如不落第二初手余 國本封
事卽大躉余丁巳攘田變起爲
感懷詩貽余有云歲紀聿云莫
感時增悲傷滄田未遷改荆棘
生維桑禹鼎格神姦魍魎猶未

藏萬里叩天闈天高不可望羅
弋布中外冥鴻起高翔於顛沛
險難中更毅然佐余是以余之
知居一視他人倍深他人知居
一是大有學問人耳詎知居一


是大有作用人乎乃甫載金閨
之筆歟應玉樓之符世徒傳其
不朽之文章而不被其苞儲之
霖澤惜哉王子季延生死氣誼
爲傳其槩而詮次其遺文高君

采菽感念傳衣不替今昔捐金
殺青偕進而請余敘余與居一
疇昔深相知不能辭嗟嗟子敬
旣實祗悼人琴之亡中郎久懷
幾見虎賁之似德音如昨伊人

山河才難不其然乎

崇禎庚午長至日潛初子岳元

聲識



讀陳庶常遺集序

王起隆

悲乎悲乎天生才而復自摧折之也我誠不解所謂也龍與麟鳳均世瑞也然龍之出飛天文明得遂其雲行雨施焉而麟鳳之為游郊鳴岡不惟不一展其作用即其文彩暫見旋無不有速於逝者矣以余觀於鉞山先生夫亦猶是先生起我禾文名滿天下人咸以鳳麟品目之第推原先生之心寧止欲以文章名世而已者乃大賢無年中道殞落就其所為文章者亦僅僅有是焉嗚呼功業無

論矣。豈天固不欲興起斯文耶？何奪先生之遽也。此詩文三卷，館課一卷，俱先生通籍後著述。天啓辛酉七月十五日，啓手足時，授其友洪慶之囑。偕隆爲陽水，所幸不遭僮豎湮沉。爲泰山碑，廣陵散者。先生爲孝廉時，詩文居燕業，手汰流傳，爲鈔園集。則其所流傳，蓋皆愜於先生之意者也。人實一詞莫贊焉。茲集則慶之暨隆共訂正之，是其所存。卽未必盡愜先生之意，與否要以麟角鳳毛方嗟見少。後死者固不敢輕有去取也。古今著書立言。

往往有不可無年之嘆。他人或爾，至先生似當置。放此語猶憶庚申冬，先生砭余爲詩，撚髭商畧，苦不肯休。今余詩稍進，恨不令先生得見之。萃夫先生人龍也，而僅爲速逝之鳳麟。則又余所一讀一淚，欲搔首以問蒼天，而不勝悲者已。辛酉十月朔日。

刻陳庶常遺集緣起

王起隆

居一先生歿其遺集不傳十年於此矣先生氣節道義人也庚申秋內監王安饋二百餘金幣物求書一掛幅不可得人咸危之而意屹如使其未歿玉碎於魏崔之手必也其通籍後詩文館課先生彌留時囑洪慶之偕隆爲哀散佚慶之先後手錄之特備隆覩其鏤肝燃髭朝且昔特詳先是鉏百谷諸君子欲刻之會有乾沒其間更值百谷云亡事已耿耿於後死者之心無時刻寧隆客閩慶之

宦徂徠戊辰冬歸聚首語次慶之潛然墓劍未懸
之悲慮篋稿滋久或致湮沉商為卽刻流傳而各
限於貧未免蓄縮會高子采菽在坐感動慨然捐
金成我兩人積念而隆稍以束脯合力焉高子者
嘗受業於先生及魏孔時都諫夙負肝膽篤師生
誼方孔時檻車北上時出身向緹騎周旋置身家
先生不顧稱今之侯芭者也隆因搜未備於先生
季弟述于復得一賦一論雜文十餘篇詮成四卷
嗟乎文章顯晦原有機緣而古誼勝事匪一人可

專隆謹貯板於家凡先生存時親友暨年家諸公
送楮任印不取板值緣慶之采菽之意無敢獨為
君子期於俾好義者各得展其意而先生之集彌
廣於行布而已初慶之志在手楷付梓會以病歿
不果傷哉方今士紳行布名集數倍先生者比比
要於力翻積習炳煨鏗錡真足潤皇明大雅之
什砭末劫詩文之衰如先生者可多得乎刻成後
死責差慰矣是役也總其事者采菽也分較讐者
隆與慶之陳良卿吳謐生周開子沈甫章也為之

序者則岳潛初李若實兩先生也其助楮行布者亦采菽也刻始於庚午春三月竣於冬十月卽以首印一部介以醕觴焚告先生殯宮併救淚而記其實

陳庶常傳

王起隆

先生諱萬言少字孟諤中更字居一號鉞山先世松陵人也祖學博石村公自松陵徙禾遂隸籍秀水父景修公中萬曆丁未進士知山東益都縣以邑早祈禱雨澤瘁殞於官祀青州名宦并祀郡鄉賢者也母侯孺人先生生而穎慧超絕羣類四歲授書六歲通經景修公讌客先生從傍弄圍棋以嬉一客戲出對曰圍棋黑白應聲曰圖畫丹青舉座訝異九歲操管爲干祿文字十歲擬揚子雲續

太玄賦規模逼肖宿儒見之咋舌同里包泗州故
鼎族以女字焉十四補邑弟子員試冠軍餼於庠
癸卯弱冠遂首魁泐榜其墨義樊遲問仁篇世共
推爲千年絕調丁未同景修公卷落湯宣城房景
修公得薦先生卷已擬房魁竟以騰役脫字置乙
榜第一已未登進士第 廷對二甲第三選入讀
中秘書辛酉散館輔臣業爲 題改編修而先生
竟以疾先旬日卒於邸不及授官輦轂鄉邦時共
有名賢玉折才子蘭摧之嘆云先生孝友廉潔仁

慈愷悌出於天性居恒事二親備極承顏順指景
修公疾爲文籲斗願以身代膜拜七晝夜不休因
得咯血症益都喪賻千金謝却不取一銖居侯孺
人喪骨立傷生哀毀有加撫兩孤弟焦勞劬瘁凡
延師擇婚營阡域葬親市菟裘以居諸門戶事百
費身支景修公宦橐如洗而先生居鄉又夙勵澹
臺守歲時薪糈不給間取包夫人簪奩物費之勿
恤也與人素剛介寡合合則終不携薦士不俟人
言亦未嘗使之知郡有鄆灌之爭挺身出佐先達

持議爭賴得寢其爲制舉義古文詞詩賦俱精思
攻苦剗闢戶牖力主於復還正始凡浮哇細音跳
嚙薄習一不以掛筆端卓有挽弱水使東流遏黃
河令西注之意書讀三四過貫誦珠涌詩文用故
實字字精覈而卒未見其簡架上書下逮臨池篆
籀竒壬數學蔑不嘔心抉秘苞絡衆尤官長安時
三事公卿持縑素巧詩文墨妙者楮山筆塚履相
屬於戶也生平矢不欺已未登雋故事齒錄類隱
年獨不隱歿之前夢碧霞元君賁天符促召遂自

知不起處分後事泊然待盡臨化惟以不獲贈其
二親雪一淚而已所著有文在堂集鉞園集謙九
堂續集行於世晚尤喜易手一編披吟占玩不輟
有廣東坡易說未竟藏於家天啓癸亥入郡鄉賢
不十年父子兩列豆登粉榆誇爲盛事焉王季子
曰自我得交鉞山先生相從爲燕游猶及覩記其
一二軼事也先生正室包夫人有子至慧十歲殤
於山東官舍已未納燕姬庚申得一子用十二金
僱一乳母金一時盡畀其夫而先生子又未半月

陽明先生遺集
三
殤其夫願鬻妻償金其妻色甚都願留爲女傭包
夫人亦喜是婦欲聽其留先生不言所以袖出券
呼其夫携妻去且囑以無再典催離析傭金一無
問焉光廟崩中貴王安驟幸賜蟒玉賚數百金
厚幣乞一書軸爲贈先生謝不可往返再四必不
許同館咸爲先生危卒不顧摩訶菴爲先生公車
下帷地其主僧稍裕燕中惡少覓道彊陰昇僧室
誣僧謀財殺人執送兵馬司先生聞之立就輿往
見中城郭御史白其冤迨僧雛至涕泣言而主僧

早已釋縛出院矣同館魯庶常時昇先五月卒先
生篋中偶存數十金爲居停資斧者罄倒充賻且
身爲經紀其喪以需其子之至宦於京者或索曹
丘書無不人人立得所欲去計先生它陰德事尚
多恨余交先生晚先生未嘗言人亦無從知耳先
生雖爲官嗜學尤甚擁書百城夜讀不達子夜不
休每余倦極就睡欠申覺先生書聲正琅琅也倘
所稱以身殉道死而後已者非耶居恒語余萬事
冥定生平數有異兆爲諸生時偕其內兄包儀甫

共寢夢中流浮羊角燈二盞至手先攫得其一一
搖漾水中央儀甫渡水而北徐乃得之先生浙中
領解而儀甫領解繇北雍竟驗焉癸卯揭曉待報
夢徐文台調元來訪旋夢已墨卷上有尺餘長數
仙女各執樂器繞卷奏伎曰在此調元也榜放知
副考梁欲以第四名周敬先作首賴主考高力爭
先生得第一方悟調字言傍爲周而言字則先生
諱耳已未 廷對天未曙假寐恍忽夢至一所有
金殿三層已登其二其第三層一人下手掖之而

足重不能舉流汗而醒卷入張誠所都憲已薦置
闕甲第三而 神廟竟取進呈第六陳子壯卷易
之先生得二甲第三夢尤奇據此則碧霞之召先
生爲直帝所修文彰彰必矣余辱先生文章肝膽
臭味最深爰據軼事用附傳末先生風流翰藻百
世之下聞者猶能興起也而况於親炙之者乎尸
視我文當亦許其不妄

陳庶常遺集卷之一

吳璽
壽

秀水陳萬言居一甫著

通籍有感自述

早歲不好弄託志在簡冊業受韋經傳名矜仙籙
謫十齡學時藝縱橫氣無敵揮毫思涌泉側理竟
千尺漸爾好奇服耻為衆智役博覽漱芳潤幽探
啓靈笈十五采芹藻束髮初覆額偶涉山水勝遂
耽風雅癖賦慕梁王苑騷悲楚臣澤作者攷代興
建安肇開闢齊梁闢綺聲初盛變新格樂之詐云

疲巧者不過習臨池墨噴霧夢繞江淹筆寶晉購
殘編摹唐辯贗蹟碑碣恣遐討蝌蚪亦粗識游戲
斯頡間六書較點畫趨庭稟嚴訓雕蟲誠沉溺簡
練息旁嗜揣摩倍疇昔弱冠聽萃歌策馬長安陌
文章遇知己價比連城璧春官不見收情澹未云
感時侍先公游雙鶴鏃其翮南旋扃巖戶習嬾畏
賓客問竒屨或滿強勉開文席精藍修淨社城市
屏躡迹追呼聊不驚菽水一何適先公嗣登朝
縮綬齊東邑余將返初服薜荔冒山壁父書饒可

讀刪著富篇籍行遊米芾船偃息揚雲宅童烏况
知玄笑語日環膝雖云士不遇俯仰暫夷懌寧親
放琅邪極目滄溟窄宦庭雀可羅柿葉翻堦積方
假斑衣暇轉窮青史曠忽然天刑酷洊逢陽九厄
靈椿窳悲風玉樹埋永夕中年罹憂患咯血散魂
魄猶依庭背萱扶杖起柴瘠我生胡不辰頻號隴
頭栢生趣全已盡華髮半成白屋廬卜深村甘與
人境隔愁聞夜猿啼傷看秋樹槭荆萼餘連枝婚
嫁兩兩迫因之世網牽再破山中屐勸我倦遊駕

重題紅勒帛。何期十九年。尚奏刀聲。若得失。故非
偶。時命信難逆。敢云菑畲深。將無鹵莽獲。鍾期終
復遇。流水亦何惜。所嗟蓼莪咏。橫涕中懷刺。願續
泉臺志。遂射金門策。浮沉一腐儒。居然整朝幘。需
次將爲郎。含香列交戟。撫躬荅聖明。天地良跼
踖。俄傳遼左書。烽火駭陵斥。魚麗不成陣。伏尸遍
馬革。當年藿食時。頗聞肉食噴。金繒餌氈毳。鏡鼓
訛疆場。邊患久蘊崇。一朝驟燔炙。杞人憂天墜。悲
憤填胸膈。廟算徒紛員。痛哭亦奚益。如驅出門輶。
疇能授轅軛。更憐車馬塵。酬錯恩履舄。離合汎萍
梗。勝負任碁奕。良士誠瞿瞿。豈必踐華劇。觀時識
偕行。論交貴先擇。進退有至理。昔也學周易。黽勉
盟同心。服之以無斃。

送來路然宮贊奉使肅藩

天潢優漢詔。地險壯秦風。帝遣詞臣日。人行秋
月中。嶽靈尊泰華。雲色霽空同。莫憚王程疾。登臨
趣早楓。

送彭山公歸娶楚中十首

綺歲春風入。帝城花街便踏馬蹄輕。君王聞道。卿年少。臚句親教唱姓名。

其二

紫袖昭容着眼忙。誰家白面錦袍郎。杏園新作探花使。未惹芳閨蘭麝香。

其三

平康不耐寫紅牋。白璧生來種玉田。騎馬只思前導婦。宮花壓鬪寶花鈿。

其四

斃辭清禁且歸來。黃鶴樓前玉鏡臺。彩線慢牽銀捷尾。佳人相見乍相猜。

其五

家近巫山一朵雲。可知神女動湘裙。難得仙郎美無度。紅絲偏帶御香焚。

其六

漢江今去月當秋。倚棹寒籠紫綺裘。晝繡恰逢冰未泮。鬢雲親取玉搔頭。

其七

妝樓聽奏鳳簫歌。嬌對香奩語不多。只問泥金傳帖至。閨中喜氣舊如何。

其八

曾侍親輿到曲江。瓊筵醉罷錦纏釭。上堂携婦稱眉壽。酒斝燈毬樣樣雙。

其九

標梅穠李巧妝新。宮柳先迎御陌春。自是風流郎太早。莫因接脚號夫人。

其十

窺簾親傍曉。鬟梳遶路仍看擲。果車他日曲臺新。博士教人錯認女相如。

秋日再過摩訶菴

自別春山後。經時又入山。秋偏當月淨。客偶似僧閒。貝葉翻奇字。蒼松識舊顏。巖城催夜騎。貪載白雲還。

中秋同何龍友坐月梁無他齋中分韻二首

秋高白露澹無聲。皓魄迎涼散。帝城初近天邊。逢月好。共看杯底似詩清。鏡開圓。逼宮中影。笛引

寒空塞外明。最是關情今夜客。坐聽鄰杵送嚴更。
其二
長安極目總秋光。頌酒偏宜夜未央。高樹雲容梯
彩月。閒庭人影踏空霜。蟾蜍徧吐中天色。鴻鴈羣
飛第一行。搔首不須懷謝朓。且憑高詠發清商。

送陸汝成祠部

閒論往事各潸然。十載長安又執鞭。南國忽聞馳
使節。薊門重惜祖離筵。秋寒楓染緋連騎。江淨蓴
浮綠映船。歸去酒杯留客駐。興來詩句任人傳。香
飄殘桂晴山外。泪點新萸曉雁前。鬢別不因鱸膾
熟。能忘樽俎坐籌邊。

壽成太常封公

岱峰臨汜水。濟流滙荷澤。中有真人居。仙仙雪盈
額。書擁百城尊。哦咏自怡懌。時開北海樽。勝着東
山屐。庭舞斑斕衣。雙鳳翔矯翮。曲臺典禮樂。華貫
列交戟。相將祝千齡。儼然蓬島客。

爲李仙郎贈其外舅龍箴王孫

朱邸推華胄。東牀識異材。仙郎成玉潤。嘉耦出珠

胎洛浦神終在。梁園客尚來。門楣看畫錦。宛似夢中回。

送吳伯霖授令南歸

萬里雲霄惜羽翰。祗因彈鋏復彈冠。縣花聊可同潘令。小草何當笑謝安。關月北離胡騎緩。江帆冬渡浙潮寒。歸程定寫詩中怨。多少詞人不忍看。

書戴贈公冊

死孝過王戎。逃名子舍中。總惟雞骨毀。華表鶴聲空。楚些招嚴瀨。韋經奏漢宮。上書徼帝寵。雨露

渥無窮。

爲徐亮生工部伯仲壽封翁

折腰歸去柳風寒。高詠清溪傍釣竿。對客共傾中聖酒。生兒雙侍進賢冠。棠陰久尚歌三異。杏苑時爭羨二難。聞道華觴開洛社。九重頻賜誥回鸞。

送姚聚之給事閱邊

蹙辭青瑣迫王程。腓草寒霜馬上行。天子不勞馳細柳。漢臣終得請長纓。金縉歲市驕東虜。烽火遼傳震北平。煙暗兩河愁列戍。雲屯千竈欲呼庚。

總憑使節籌邊計。期肅軍容慰。聖明久許畫山能聚米。懸知出塞可封鯨。戰場先弔三韓骨。獵騎周巡萬里城。鎖鑰新嚴護。陵寢燉煌兼閱鎮。幽并據鞍方略聞。清禁專闡朋僚擁。重名好共軍中作。韓范夷氛莫任再縱橫。

冬日偶成

冬來塵事少。三日閉門居。塢曲深藏雪。囊空薄貯書。遠禽翔靜樹。隣鶴過前除。相對堪相侶。無勞長者車。

雪夜

歲晏長安雪。候遲祈年。聖主在宮祠。乍飛凍玉塵。連野驟壓疎梅。月滿枝陰合。塞雲風捲處。寒生胡騎。騰回時。却懷戍卒。沙場夜。誰亂軍聲。擊驚池。

喜侯若樸至

送君歸去正秋殘。征馬來嘶又歲寒。遍歷山川皆好句。重逢客旅是新歡。君王已識相如賦。朋舊方彈貢禹冠。共指金莖吸仙露。殷勤何必問加餐。已未除夕

京華頻送歲華過。對此清尊幾笑歌。坐聽宮籌傳
夜永。遙思鄉夢隔年多。挑燈漫候新藜火。種樹能
忘舊薜蘿。若論行藏。今昔事。從前好景亦蹉跎。

庚申元旦

輕寒乍散柳方津。御陌同游萬里春。楓陛正迎
朝日旭。椒觴纔覺此年新。遼戈未偃勞邊戍。湯網
初開宥直臣。欲頌聖明還待詔。幾回遙拜聽雞
人。

送劉貞一侍御出詔獄南還

天子齋居久。稀聞上殿爭。楓宸初召對。栢府獨

高鳴。豹尾班親侍。龍鱗氣逆櫻。忠陳千古義。孝

洽兩宮情。履欲移隨仗。頭方擬觸楹。驟逢英

主怒。翻重纍。臣名園土羈。驄騎南冠奪。豸纓黃沙

幽室。慘白髮倚閭。驚司馬書愁著。鄒陽獄誤成。憂

天雙淚切。殉國一身輕。畢竟逢干志。能回堯

舜明。雨雷終作解。天地復來亨。歲德新乘令。王春

首紀正。雞傳朝唱後。烏報夜啼聲。漢詔俄頒赦。虞

仁本好生。籥隨陽氣動。檻爲直臣旌。湛露沾叢棘。

冤霜散斗城共瞻人瑞出始誦 聖恩宏尚訝稽
環賜偏憐佩玦行鴻冥萬里翼鷗逝片帆程野憤
供庭戲朝簪溷耦畊賦騷無屈怨占易得坤貞初
服今將返颺歌續必賡邊烽况傳檄廟戰未降兵
檝挽中流渡材支大厦傾可教吟澤畔莫說侯河
清盛代惟求舊蒲輪佇左迎

立春日姚孟長侯若樸戚伯鱗過集

北戶風柔晝不扃東郊草長試新青正聞太史占
時令同奏賢人聚德星綵燕迎春飛復定濁醪觀

理醉兼醒黃柑生菜尋常事茶譜還堪代酒經時余
與孟長俱禁酒

人日戚伯鱗招同姚孟長顧九疇及劉半舫

民部夜集

凍梅雪霽吐新英人日同人日更晴勝節剪花傳
晉俗異鄉挑菜熟吳羹春盤水暖魚供戲石竈茶
香鶴耐烹久客莫題歸鴈句好風弦月散離情

元夕

春城子夜月初圓街鼓連宵動客筵杯暖送香浮

碧露漏深催燭散。晴煙花燃寶樹先。桃李曲疊新
詞傲管絃。門外只聽遊輦。過踏歌猶似太平年。

燈市口號八首

新年京洛盛繁華。組幔綃帷處處花。宮輦不聞移
彩仗。旗亭半屬五侯家。

其二

夾路分衢七寶牀。瘦尊臚鼎也當場。暫停玉勒閒
看遍。呵馭還來錦瑟傍。

其三

坐擁名倡列錦棚。妖童亦解弄銀箏。梁園賓客如
相過。花下同呼酒步兵。

其四

騎馬彎弓不上絃。漁陽擗鼓漫連天。遼城近日停
烽火。贏得將軍好醉眠。

其五

少年日日引呼盧。夜看隣家賽紫姑。此際相如渾
不厭。也應犢鼻對當爐。

其六

紅樓日暮捲湘簾。手撥花燈露，指尖願逐宮娥看。
擲果荔枝拾盡是紅鹽。

其七

高髻霓裳結隊招。夜游多露濕鮫綃。但聞鶴鼓移
深漏。頻問行過第幾橋。

其八

十千錢儼一廛新。只願鰲山夜看真。月落城頭客
歸去。居停明日是何人。

送仲孔昭之令昌樂

東風策馬試燕臺。又見齊城列騎催。宮柳綠隨新
綬去。岱雲青送早春來。琴閒釀露浮香膩。衙散栽
花待錦開。昔日太丘棠社在。勞君瞻眺一徘徊。
余先人曾令其地

送張四之茂才南歸

六街燈火乍闌時。柰此春寒嘆別離。紫塞遠煙催
去騎。黃河新漲動流澌。客惟高士衣偏薄。官似書
生韻半癡。好句贈君當折柳。銷魂獨有故人知。

題畫寄高采菽

霜老空山落照寒。早楓一夜綠成丹。巖深樹密無人到。多少秋容畫裡看。

春日入左掖門遇雪同倪武雙諸子賦

二月東皇久破寒。瑤光忽散五雲端。花浮雙闕迎風舞。玉積千林帶霧看。授簡彩搖梁苑筆。鳴珂色染漢宮鞍。一時倚馬皆能賦。莫道陽春和客難。

久別袁小修上巳日同徐明衡洪亨九諸君

枉集

春暄移席小窻南。客至偏當三月三。美景尚傳修

禊勝閒情獨有舉。杯堪白留老眼看。時醉綠織層林望。遠酣多媿羣賢盡。年少故人相對嘆華簪。

送蘇爾開使楚因還閩

送君南去問瀟湘。啣詔新歌四牡章。仙掌曉晴

辭北闕。星槎春晚度西瀼。江風過浪桃花漲。閩海歸程荔子香。莫為故園淹畫錦。輶軒應早報明光。

寄陶去非

清時郡閣亦沉淪。况是憐君百粵身。嶺右不堪驅

薄宦邊庭何以報勞臣。鱸鄉夜月三秋夢。鯉浦南天萬里人。此日相思憑鴈字。離羣久矣嘆風塵。

徐韶階比部招同倪武雙陳集生及沈彥威

孫恭甫諸君醉集李園偕集生同拈梨字

春暖煙深草色齊。名園覽眺近招提。迎風踏遍堤眠柳。候月行過院落梨。濟勝欲攀雲樹杪。乘酣偷卧石橋西。可知仲舉南州榻。移入林間共阮嵇。

送史世選暫歸泉南二首

林鶯欲噪晚春時。祖道愁吟伐木詩。帝里正應

瞻日近家山。忽憶卧雲遲。

世選自號遲雲

村程綠軟眠楊

柳。圍樹紅香熟荔枝。歸去莫耽三徑好。鵬風早徙到天池。

其二

鄉心不耐滯征鞍。暫染風煙出上闌。騎入閩南頻度嶺。羣空冀北待登壇。文章知己方千古。兄弟如君始二難。若過延津雙劍合。雌雄記向匣中看。

送錢爾先出守饒州

綺歲登華貫。三年領郡符。畫旗輝駟馬。新办淬銀

陔餘叢考卷一
四
鏃春祖長安道。風清彭蠡湖。山虹朝望霽。庭鶴晚鳴孤。陸竈閒烹茗。劉鞭并廢蒲。送君無綠酒。遙與對冰壺。

送曾元魯大叅

春深柳暗拂行旌。畫燾初開出帝京。仙吏白雲辭漢署。少年鎮吳城。唐山薜試新泉綠。申浦江潮應接海波平。夜浪輕遙向東南。瞻幕府。送黃玉峯洗馬奉使肅藩。因還嶺南省。覲三

首

乍領青宮秩。旋飛白玉珂。維城宗子咏。我馬使臣歌。王澤深秦壠。春風暖渭河。星旌西轉處。遙見嶺雲摩。

其二

周邦縣葛藟。漢塞近臯蘭。玉節朝中授。金城馬上看。王程四牡迫。鄉路五羊盤。不盡懷靡盬。遑將子舍歡。

其三

暫許娛班綵。遙應返使車。山程連驛柳。日影候磚

花宣室恩光舊咸陽古道賒莫令薊門別惆悵憶
皇華

送毛孺初侍御視學南中

江漕萬里告功成南國重逢叱馭行特擁繡衣尊
御史新開絳帳侍諸生掄材競奏吳都賦借箸能
忘漢殿爭但願中朝文物盛共將樽俎傲長纓

送宋雲公南還

四月西山雪色驚不堪送客助離情暮煙遠望銷
燕塞夏雨寒聽唱渭城玩世許誰同曼倩著書歸

復似虞卿重來定有凌雲賦莫久吳鄉戀鱸羹

王季延至邸中夜話

相見人千里相懷夢二年遠來偏好我久客倍欣
然壯士風塵色長安夜月天將無歎行路三月始
停鞭

其二

細論鄉曲事幽緒復難言惜我堦前樹悲君庭背
萱燭搖雙度影禽息下棲魂篋底惟新句銷愁對
夕樽

附王季延詩 抵燕東陳居一庶常

阮生憔悴慟途窮，下士誰方陳孟公。
作別轉驚渾豹變，相招賸有數魚封。
君才真復雲霄上，我至還疑夢寐中。
共擁百城差意慰，尚慚人是舊吳蒙。

初度

三年作客滯燕中，薄宦浮生似轉蓬。
皇覽敢矜騷理獨，時危誰識杞憂同。
鬢憐偶病雙疑改，技逐微名五易窮。
晨入漢庭還痛哭，壯夫何事問雕蟲。

寄訓洪慶之

仲蔚蓬蒿竹徑偏，高齋小築遠村前。
傳書舊有青箱在，得句頻將錦字傳。
詩自苦吟仍入聖，酒當濁醉亦中賢。
還思秋夕逢君話，曾爲援琴一奏絃。

寄荅張紹和孝廉

霞社風流夙擅盟，久聞雞國購詩名。
別來每惜春三月，賦就仍誇漢兩京。
偶變西崑傳樂府，獨尊南面擁書城。
山花坐看飄鈴閣，卿法何須自用卿。
得賀無因書兼以詠，遼詩見示率爾奉寄。

煙渚晴波夜棹輕，離人千里各關情。謾傳藜閣書堪較，舊負青山築未成。枚叔尚淹梁苑賦，終軍欲請漢庭纓。年來淚濕沙場血，誰勒燕然石上銘。

寄慰沈受繁

惜別動經歲，懷君又一時。玄耽揚子草，玉折謝家枝。苦樂偶如此，行藏或似之。莫因鍾我輩，長作有情癡。

久不得沈景倩書寄訊

別路風煙柳再舒，歸人千里意何如。悼亡潘岳愁

成詠傲世嵇康嬾，寄書溪舫曉行春。雨後山壘晚酌月明餘，懷人可得無高韻。但向妝樓憶醉輿。

午日病中

杜門閒送午，欹枕亦浮觴。雨過葵根綠，風微艾葉香。鄉心纏舊縷，病課簡新方。採藥真吾事，庭花細細嘗。

送林侍御出按中都

五花驄馬遠飛騰，持斧中都攬轡乘。天遣侍臣榮豸繡，地開聖祖重龍興。河淮北渡澄千里，風

雨朝看護。二陵裁罷奏章。頻入告鬱洲山色。暇還登。

賦得庭前有嘉樹

部試

帝里凝高樹。叅霄結層榦。托根既竒鬱。鼓柯互凌亂。綠陰夾成行。蒼虬舞不散。晴空金藥樣。曉露涼雲灌。枝疑瑞柳分影入。丹楓半相將。憩喬林。陳詩奏清貫。

賦得薰風自南來

部試

爽籟鳴炎序。天風散大荒。披襟清永日。開牖納輕

涼。鳥拂華林羽。荷飄太液香。虞絃應奏響。解阜卽羲皇。

聞漕河通志喜

館試

南望江帆隔遠臯。司農無計引秋濤。忽聞地接崑崙。峩。峩。正喜天開西北漕。連海黃河風萬里。渡淮明月夜千艘。舳艫迎浪爭啣尾。畚插屯雲漸轉艚。沙唱不愁遼戍苦。瓠歌寧數漢功高。神京自是朝宗地。飛輓應知此日勞。

奉詔讀書翰林有作

閣試

文明振。昭代天網幸弘開。金閨集譽彥。奏賦選羣材。戴鶡亦充廬。一朝起蒿萊。北扉侍嚴密。磚影搖廳槐。晨風聽鈴索。夕月照書堆。待詔既出久。流光思西頽。黽勉茲不遑。今古期兼該。一入摛文院。頻窺視草臺。劉向閣中藜。張華紙上苔。千秋慰寤寐。豈獨資剛裁。觀理發深衷。經世周遠垓。遭逢况非偶。孤根托雲栽。帝心簡耆碩。薪樗盛儲才。作人歌壽考。征彙占泰來。因之勗努力。渺慮息氛埃。敢云酬聖明。聊以惜時哉。

登瀛行

館試

三山海上神仙宮。瀛洲縹緲摩碧空。方丈蓬萊聊與匹。瓊樓綵闌起雲中。羣仙相引玉京去。白鶴雙舉乘輕風。秦帝升壇不可至。漢皇採藥詎能從。武德投戈方講藝。弘文初闢皇都麗。朝隨玉輦侍旌旗。夜直金華辭薜荔。爭傳賓客上瀛洲。疑遊洞府親朝帝。一時簪笏集文昌。千秋姓氏留仙系。男兒矯首上京華。何事遙尋海上槎。石室牙籤窺寶籙。花磚錦樹逼丹霞。王子吹笙不足數。頻翻玉笈編。

新譜十洲三島快登臨還傲當年天策府

讀鄭汾陽公狀

雲中金氣鬱嵒迴奕葉高門世德培架上鄴侯留
萬卷庭前王氏種三槐雙鸞並佐雞鳴咏一鳳聯
飛雛羽開此日天綸臨碣道令威鶴化起泉臺

贈鄭文安為意葵侍御賦

河陽花發到文安滿縣春深近上闌美錦製成三
輔地彤章飛下五雲端爭看珂里翔鳧舄况羨
庭芝擁豸冠驄馬此時將叱馭尚逢棠社有祥鸞

為丁印趨壽太夫人

玉堂初簡秘書迴親見瑤池阿母來萱草傍椿迎
日永芝蘭疑杏倚雲栽藜燈夜照斑衣舞珂騎晨
隨繡幃開却笑板輿潘令御未堪咫尺到蓬萊

遣懷因荅王季延六首

十年不聽咏熊羆方死方生事更奇燕姑夢蘭真
似夢謾勞君寫弄璋詩

其二

朝槿初榮暮忽枯人生百歲亦何殊門前賀客休

相弔掌上原無明月珠

其三

玄心久矣絕情癡對鏡重將雲霧披却悔西湖當日淚少年道力未堅持

其四

病來渾覺此生多一弁抽刀斷夢河安穩不須防跨竈未應愁染鬢毛皤

其五

小姬情至亦偷啼好語頻將手共携不見花開也

須落看他結果晚來齊

其六

乾坤落落一衰翁作達何須倩阮公自是烏衣門巷窄不妨玉樹待新叢

注三餘歸新安襄事爲作輓歌

遙瞻白嶽隱青峰鬱鬱佳城草下茸飛出鳳毛呈異色歲來馬鬣壯新封露零紉後歌中薤山植生前徑底松此日素車當晝繡夜臺應覆彩雲重

壽侯黃門母并太母

夕郎新拜近梧垣，笑侍庭陰疊種萱。詩誦魯侯方獻壽，情兼李密欲酬恩。板輿雙御堪將母，玉樹全榮又弄孫。聞道鹿茸當燕喜，應同鳴鳳振高門。

寄壽王季延尊人秀川公八袞

秀滿川巖，瑤界殊嶽形。洪闢甲丁圖，胎僊結烝琴。三疊礮夢微，竒絲五紘。膝下汗駒龍，作友樽前雅。曲鳳將雛勞，薪擬乞長生。訣丹黍從君，一啓爐。

壽韓全所

黃花綠醕正深秋，斑綵方歸自遠遊。客子不須歌

陟岵仙人偏好頌，添籌抽簪華髮宜。三徑繞屋青山似十洲，却笑長安多薄宦。持杯極目總雲浮。

暑雨念東征將士

館試

塞外炎雲暗兩河，不堪暑雨更滂沱。王師六月猶歌戍，遼卒三年未偃戈。幕帳夜淋弓，箠濕沙場浪接海。濤過此時思婦勞，征夢未到秋砧淚已多。

秋日送二弟南歸

見汝歡無極，其如歸思何。一官衰病久，兩地別離多。客路荆花遠，鄉心鴈字過。薊門霜候早，慎矣渡。

關河

其二

六龍初御日，汝正上京華。天表方瞻闕，秋來又憶家。桂香山路滿，尊夢旅情賒。歸後嘉魚便，頻將寄水涯。

題南州書院圖為徐玄仗京兆

遙指鴛湖似鑑湖，尊鄉秋水勝洪都。憂時未暇耽遊覽，繪景聊堪入畫圖。惟石疊來蹲作豹，閒波環曲泛為鳧。只今若下南榻，可得人如仲舉無。

為葉君實壽太公

松菊閒栽徑未蒿，庭前飛出鳳皇毛。先歸子舍迎萊綵，重入君門賜漢袍。積雪峰明仙縣錦，晴霞杯汎泖湖濤。人間此是真蓬島，何必東方問摘桃。

欽遣閱視新卜

壽宮恭紀

閣試

高原何處鬱龍從，詔遣山行卜夜宮。王氣蜿蜒尋地脉，帝陵環亘儼天工。青鳥遍繞崇岡外，丹鳥新巢梧野中。但看百靈風雨護，祥開金粟萬年同。

早朝用賈舍人韻 館試

六龍扶御始當陽，玉珮晨趨帶曙光。
雙闕曉雲移仗影，上林秋露入花香。
鐘聲送漏分鷓鷯，月色留池照鳳凰。
明主只今歌訪落，也須執戟賦長楊。

送洪亨九學憲入浙二首

詞人滿座勸離杯，絳帳遙瞻越甸開。
今古文章新變體，東南竹箭好掄材。
碑繡禹穴書千卷，門鎖吳山月一臺。
舊日聖湖堤上柳，春風復向此時栽。

其二

白雲仙吏下丹霄，時慶虞門正協堯。
大雅可知扶八代，文章早已映三朝。
赤城覽賦標霞嶺，滄海吟詩聽浙潮。
自是品題多暇日，不妨頻與寄瓊瑤。

送唐存憶大理奉 登極詔之留京二首

秋來頻見六龍飛，爭捧天書出禁闈。
法從暫辭秦尉直，君王復覩漢官威。
南風九月江仍暖，北極三朝露未晞。
此去獨當豐鎬地，歸陳先德佐垂衣。

其二

驄馬曾同叱馭行，移臨棘寺曉霜清。
親承鳳闕新天語，遙入龍蟠舊帝城。
此日重臣持漢節，當年神鼎奠周京。
時艱定許還朝早，莫任駢駢緩轡征。

河清表瑞十二句

閣試

聖德新乘御，河源早獻祥。
瀆宗飛素練，崑岳瀉清光。
淨激開流鏡，淪漪媚遠洋。
秦川澄地軸，漢壁笑宣房。
一曲俄呈瑞，千年詎可常。
小臣期奏頌，慙乏

鮑昭章

送王季延南歸

昔子貽素書，欲驅長安車。
驅車多苦辛，道路遠崎嶇。
春風理遊柁，炎雲焯征輿。
稅轄入燕城，夜月方照隅。
故人下懸榻，聊以慰索居。
璣囊富篇什，相對唱于禺。
時聞奏新聲，將與作者俱。
覽險幽并地，觀勝帝王都。
撫景發謳吟，急就操竒觚。
猶如飛將軍，刁斗夜不呼。
射石羽已没，何論百戰餘。
伊余忝朝簪，著賦媿相如。
疾病兼憂傷，習嬾甘莊樸。
讀

子千百篇藻翰傾琪琚偶以偏師攻爲子負前驅
居然還大雅不願老吳趨商籟動嚴霜忽懷故園
廬高堂白髮垂陟岵長嗟吁投轄夙所欣豈敢絕
溫裾執鞭贈子行照乘無明珠余亦憶鱸蓴夢寐
釣江湖高鳥棲荆樊三徑徒荒蕪續歡安可期期
子唱句臚別淚且莫傾別酒應頻沾

又一律

樹髮霜颯薊門風昨夜驪駒唱未終但憶到家親
夢穩不堪作客旅情同久知王粲能成賦可學昌

黎再送窮好共征人踏明月猶勝匹馬去江東

王文肅祠堂

三朝黃閣帝心求俎豆長懸舊覆甌
上調羹商傳說惟中定策漢留侯雲扶日轂平津路海鎮
沙堤故國秋南望太原新廟貌感時增憶濟川舟
初冬同王季延夜話限用十四鹽三十韻

朔序方臨夜冬威乍入嚴凍雲輕繞樹落日冷歸
檐風厲寒搖幌霜明暮映簾帷深孤燭靜林暝衆
禽恬硯霧凝紋細爐香裊篆纖客宵聽玉漏彥會

典牙籤簡蠹文心飽杯空酒政廉塵牀支許競兔
苑馬枚兼陰正三餘惜詩頻七步拈葢誇生彩筆
草媿給青縑說海探難涸詞鋒闔必銛調吹絃外
瑟味浸水中鹽晚課茶經熟鄉書林價添壯懷留
白眼遠韻托蒼髯五石瓠甘老三乘絮不沾但堪
棲吏隱豈敢嘆郎潛幽籟余偏奏遙程爾暫淹服
竒鳴偃蹇言大耻間詹賦就騷能反玄攤易並占
聲還求伐木癖倘借投砭攻任偏師集光疑太乙
瞻技嗤工是拙吟解苦成甜興到呼紅友閒來繪

綠尖山惟眠舊鶴月已候新蟾色射高懸榻凉侵
夕攬檐夢如飛栩栩飲或助厭厭采菊收殘露挑
灰引宿炎坐忘羈旅寂卧待夙醒忻勝事同人愜
清娛造物嫌可知星影換遄逼曉輪遲

附王季延詩 冬夜同居一限賦十四鹽三

十韻

吳裝方夕俶燕夢已朝添未別魂先黯頻行轄
竟淹清樽重刻燭朔籟早鳴檐香蕤龍涎煖茶
烹雀舌織寒蟲全蟄戶霜月半窺簾酒德持新

戒詩疴受。夙砭借君揮。水劍作我洗。金鹽霏屑噴。譚塵機鋒逗。筆尖體還玄。史別理合古今兼。藥石辭偏苦中邊。味悉甜紙誇咸市。貴官比蜀雲。廉叩杖燃藜。火編珠映玉。蟾價高皇甫。序氣壓鄴侯。籤手握衡文。尺箱盈乞字。縑鳳毛應世掌。牛耳更誰謙。方駕惟司馬。前身定子瞻。周旋憑樸檄。質難闢飛箱。蝸鸞希榆起。蚩蝸困壁粘。選聲才遜謝。端策卜思詹。喜有書連屋。慚無戟奮顛。嘯歌渾自放。俛仰昧人規。望敵恒三北。逢

題間一拈鄉思人易動。客况分難厭。尚友煩商畧。孤吟任笑嫌。疎庸憑骨載。涕淚拭襟霑。啞啞棲無主。飛飛遇未占。天涯悲白髮。故國憶蒼兼。夜靜心如擣。憂深貌類疴。解推知敢負。鞭策日愁崦。簡韻艱成咏。詞壇功令嚴。

聞噦鸞宮災再同季延限十三覃十八韻

鬱攸威正厲。永巷淚方含。仁愛天心幻。殷憂聖德堪。焰騰椒掖北。光逼建章南。紀燧違炎令。禳災攷秘函。蘊崇時適。邁曲徙事誰。諳不是邊烽戲。難

將庭燎參何當傷故劍偏復熒遺簪銀燭殘更夢
星凋舊日酣 鼎湖辭玉鏡雲野炙冰蠶一炬燃
奩幌重薨蕤杞楠燼灰連理樹煙冷合歡柑鸞噦
無安寢 龍飛豈宴耽歲須王省切時况 王恩
覃宮井膏應沛帷濡理細探但思塗隙慎寧謂處
堂甘鶉火頻占象參商莫闢談策皆防厝積詩共
戒焚悛却訝焦頭客徒愁兩鬢鬢

附王季延詩

聞大內火同居一限十三覃

十八韻

岐嶷乘御始蒼赤沐恩覃解澤方行北離光忽
炳南責躬應事六禳變定言三謀國多焦額和
衷少盍簪突薪宜早計厝積竟空談掖省仍龍
戰邊隅正虎耽朝陽人是鳳隸籍食如蠶爰立
驚茅茹支撐喜棟堪墜憂愚笑杞醇飲智思參
鄒谷同吹煖齊淄尚混藍工新咨將作費益廣
榘楠仁愛天心苦爭持官位甘焚悛懷似釋霖
霖德猶舍鼎適開乾畫蒙終耀震函避宮煩夕
惕問夜敢朝耽肅又兼修政陰陽畢協駮盡披

黃○霧○障○徹○見○碧○空○潭○長○矢○昇○平○咏○彌○天○聖○澤○酣○
 移○邸○適○約○洪○慶○之○同○過○邸○中○
 作○客○風○塵○久○移○居○暫○遠○喧○依○稀○去○京○洛○宛○轉○似○郊○
 村○歲○樹○陰○連○屋○輕○飈○靜○過○軒○偶○然○車○馬○至○豈○敢○學○
 踰○垣○

其二

本○是○煙○霞○骨○迴○翔○翫○此○過○掃○當○三○徑○僻○貯○較○五○車○
 多○閉○戶○尋○花○事○行○園○聽○鳥○歌○未○能○忘○涕○淚○邊○塞○滿○
 兵○戈○

其三

正○有○山○中○侶○還○能○下○榻○邀○舊○時○傳○白○社○此○際○對○清○
 霄○佳○客○同○求○野○閒○官○任○嬾○朝○相○期○返○初○服○斷○不○待○
 文○招○

其四

殘○卷○日○披○尋○猶○思○抱○膝○吟○但○教○容○側○枕○聊○亦○比○抽○
 簪○祝○雨○占○雲○氣○迎○涼○托○晝○陰○折○葵○兼○種○柳○處○處○動○
 鄉○心○

附洪慶之詩

陳居一太史招余同旅舍兼示

長安移邸四首次韻率爾成咏余借項希憲
比部北上尋以典黔試言別興懷俛仰情見
乎辭

野處慚先業三年已避喧成鄰追洛社會友儼
陶村竹對高僧塵花迎長者軒饑驅違始願極
目負蘿垣

其二

試憶丁年事邊疆屐漫過杞憂曾夙抱勝算獨
今多有賦雄誰薦無家缺屢歌壯心真不已其

柰魯陽戈

其三

說項非昕夕長征肯見邀蒲帆今兩袂古驛短
檠宵邁德清冤訟羅才翼 聖朝臨岐良繾綣
旆遠不堪招

其四

投轄誼千尋摘成幼婦吟度汪收襪線席布盍
朋簪冀地空良駿齊東憇召陰夷門寧落拓矢
不晦丹心

奉送座師曾太史奉使

封德藩因還莆中

五十韻

憶自歌萃鹿蓬蒿十五年，劍疑長隱獄翼敢覲冲。
天宿技因時短，浮名任俗遷何期。伯樂顧又着祖，
生鞭國士逢知己。既門况大賢，壺山供筆采史苑。
握文權首領瀛洲袖，勤繙秘閣篇南豐。詞振代西，
漢賦開先字簡芸香撲，書讐蔡火燃吮毫雞國購。
視草鳳城宣唐館，弘文闢虞門。籲俊延盟司春棘，
主經秉夏侯。詮剖璞皆球璧，掄材盡杞梗。燈傳親

自祖舟御並爲仙，羨早推調鼎。爰方筮遇乾中興，
扶日轂侍從列甘泉。禮樂三朝盛，才華一代專。
螭頭頻橐筆，虎觀亦趨筵。軸展牙籤麗，莖承露掌
鮮。絲綸堪作綉，琬琰借如椽。鳳藻啣爐篆，鴻裁繪
禁蓮。馬遷稱信史，韓愈有新編。翻藥吟仍奏，分桐
節又懸朱門。天寵賁寶冊，史臣傳周德。維城
固齊風，望海偏王程。霄漢外勝地，雪樓顛覽古臨。
溜道懷情濟洛川，皇華飛牡迫居沐。錦檣牽青度，
梅峰峻紅收。荔圃妍星槎飛海嶠，月影散幽燕。猶

記花街動初披水鏡圓不如人已壯忽見我猶憐
 折節風臨樹論心日過磚拙教辭盡省冷許側寒
 氈塵竭欣從後批揚媿在前絳紗逾掩映鈴索倍
 周旋引共抽金匱傾令探寶淵質疑多莞爾呼夢
 或○遽○然○契○合○千○秋○重○追○倍○信○宿○連○形○骸○非○復○索○肺
 腑○自○真○聯○俄○望○征○途○駛○其○如○別○思○纏○送○蹊○桃○李○集
 遶○路○蒞○蘭○拳○璜○玉○輝○藩○服○簪○裾○遠○御○煙○湖○將○浮
 九○鯉○堂○遽○邈○三○鱸○乍○可○賞○鴈○鱸○仍○來○佐○舜○絃○翺○翔
 還○禁○籞○趨○步○矚○旌○旃○帳○設○離○杯○祖○帷○瞻○去○轄○褰○山

花○雖○覆○屋○池○荇○更○連○錢○太○液○新○波○渥○平○津○異○日○有
 憂○時○難○緩○轡○不○獨○簡○書○遄

新築煖室全季延賦四首

旅○久○燕○山○老○怯○寒○擁○爐○新○築○護○冬○殘○但○辭○俗○客○門
 仍○設○儘○作○頑○仙○枕○亦○安○釀○氣○泛○空○煨○箬○葉○香○煙○撲
 地○遶○蒲○團○不○須○更○着○羊○裘○卧○無○事○頻○將○解○籜○冠

其二

凍○梅○偷○掩○臍○前○妝○纔○植○空○齋○便○送○香○恰○泮○硯○冰○澆
 筆○塚○宛○移○茶○竈○過○藜○牀○午○暄○疑○負○山○中○日○夜○靜○偏

消月○下○霜○但○莫○向○人○占○冷○暖○從○他○火○宅○自○清○涼○

其三

露○濕○趨○朝○亦○偶○然○歸○烘○衫○履○趨○高○眠○結○廬○自○愛○
三○冬○穩○燃○火○從○教○乙○夜○懸○秬○學○元○龍○狂○對○客○可○輸○
靈○運○後○生○天○挑○燈○第○一○論○清○課○薪○盡○呼○童○細○細○傳○

其四

十○月○家○家○晝○墜○扉○地○爐○從○俗○裊○煙○微○懶○同○叔○夜○渾○
非○鍛○煖○似○超○宗○也○不○衣○雪○稻○晚○炊○禽○未○啄○槁○梧○暝○
夢○蝶○同○飛○何○妨○寂○寞○吾○廬○好○簾○外○孤○橫○萬○玉○妃○

附二季延詩 次居一煖室成四首

量○來○八○笏○耀○霜○明○貯○得○陽○和○滿○座○盈○賸○有○凍○梅○
開○雪○竇○將○無○吹○管○煖○瑤○京○煙○傳○香○蕤○沉○檀○紫○聲○
送○詩○吟○金○石○清○光○射○一○泓○知○月○到○地○爐○茶○熟○細○
鳴○鏑○

其二

不○辭○鑿○隧○開○雲○母○可○是○繁○空○架○水○晶○瞥○見○書○城○
爭○照○耀○原○來○賜○谷○費○經○營○止○容○籤○軸○親○藜○火○未○
許○塵○埃○滓○太○清○玉○局○香○山○添○故○事○雪○堂○分○鼎○擅○

題名

其三

映室輕紈不透寒。几間惟有易常攤。勞形筆債從高閣。適意琴絃時靜彈。冰泮鳳池紋錦纈。風生象管字旃檀。此中空洞真無物。梅蒂香殘好護蘭。

其四

案左離騷案右莊。相看常作水雲鄉。霜消蟲蟄疑依壁。塵隔蛛絲不到床。丹槩猛開千萬卷。黃

庭間寫兩三行。驀驚太乙來相視。杖藜星精抵夜光。

賜戴暖耳紀恩閣試

宸。駐。雙。垂。尺。五。天。侍。臣。趨。直。荷。傳。宣。宵。嚴。鳳。闌。侵。寒。色。曉。擁。貂。冠。鎖。御。煙。冬。暖。先。葭。吹。律。動。春。溫。疑。纈。受。恩。偏。矢。歌。好。共。賡。元。首。自。是。陽。和。近。日。邊。

冬至齋居卽事館試

魯雲方紀瑞。漢樂已陳懸。縵室催陽律。齋居格上

玄占星珠耀樹候日線移磚此際懷明主神遊
泰時前

冬至入苑齋宿步瀛洲亭感舊閣試

葭管浮灰暖欲侵絳帷親侍聽高吟傳經舊擅韋
劉業講易初觀天地心閣索撼鈴風影動庭扉立
雪夜光深歲華莫遣成虛擲陽律欣逢到禁林

凝旒聖德詩閣試

端冕成周服垂衣耀舜華時當乘六御禮正筮
三加帝輦明彤席宸旒拂絳紗就將開日月

黼黻照雲霞太簇聲方奏陽春澤已奢共賡元
首頌喜起慶王家

禁城春澍閣試

趨禁欣沾帝澤均鳳城甘澍應昌辰月躔夜度
方離畢雨色朝疑正映春輦道潤翻池影動宮
花翠濕樹條新齋居况是桑林日盡識天心屬
聖人

金臺懷古閣試

驅車渡易水臨眺黃金臺金臺已千古駿骨何奇

哉古來將與相。往往生草萊。致士自隗始。慷慨得
英才。昭王不復見。樂毅誰能來。壯夫待知己。伏櫪
多鳴哀。

贈陸宇平封翁兼以爲壽

夙昔馳令譽。遐媿機與雲。抱瑟知音希。寂莫謝聲
聞。結廬東湖陰。垂綸釣湖濱。朝霞發清詠。夕照娛
微醺。卽盃慨以慷。倚劍星辰分。高義慕魯連。下第
薄劉蕢。窮途恒晏如。四壁餘丘墳。逢年衆鹵莽。而
獨困菑耘。天道挹斯注。堦屺蔚蘭芬。之子振竒藻。

登朝事明君。予工咨女諧。懋勤司空勳。日轂
新升曦。雨露覃無垠。式穀歌似之。荷衣易玄纁。乘
軒上京華。子舍愜歡欣。夷然返初服。山旭乘未曛。
茲辰開六袞。觴筯錯續紛。如飲沈瀼漿。瑞氣通氤
氲。仙人授靈液。玉笈剖玄文。時俗尠與儔。安羨以
爲羣。

擬王少伯從軍行四首 館試

河東將士渡河西。白骨猶聞鬼夜啼。莫道沙場非
萬里。出門愁聽馬聲嘶。

其二

新從一戍發長城，
輦鼓三年動遠征。
胡鴈數聲哀不盡，
若無閨夢也關情。

其三

將軍幾度易征遼，
鐵馬金戈總未消。
報主不求生入塞，
可知誰是霍嫖姚。

其四

築城何日受降時，
夜看星臨太白旗。
但見旄頭清漢月，
金門莫奏捷書遲。

送陳集生奉使祀南海道經越中省觀因歸

里第

曲江三月繁華事，
看花君是花前使。
爐香霏繞漢宮袍，
鑿坡日近君王侍。
朝承莖露發天葩，
夜燃藜火讐奇字。
生平吞討破瑯嬛，
還驚石室抽新秘。
昔年天子好深宮，
載筆詞臣詩酒中。
三朝六御再乘龍，
曉起頻聽長樂鐘。
玉陛螭頭雙仗列，
牙籤虎觀五經同。
賜笥初爛霞綃碧，
歸直時移蓮炬紅。
碧綃紅炬相輝燦，
駢輪又見褰征幔。
天開

海若效靈波，乘槎祀海浮。天岸羅浮山，色度方遙。
珊瑚洲影窺，將半肇稱殷。禮首朝宗觀，濤不屑隨。
江漢聞君家，住五羊城望海偏。宜晝繡行斑衣，一
御太丘車，弄珠樓頭神女驚。簡書畏迫王程嚴，
星帆越水飛南征。爭言海晏王明福，爭識皇華使。
命榮皇華暇，日君休沐更有佳期爲君卜鳳占。聞
道叶離鳴，若個紅絲催坦腹。歸携楊柳小蠻腰，雙
嬌並貯新金屋。悼內莫效黃門詩，還朝再割東
方肉。憶君昔日長安蓬蒿傾蓋交，余歡一日上

書同見收，余先舉手彈君冠。望塵亦造承明廬，千
秋期許盟難寒。斲辭禁籟戒征夫，忽如比翼分林
端。余亦尊羹憶秋膾，樊禽未許翔天外。佇君四牡
遄復來滄江，余却游湍瀨。如此離情可奈何，百年
聚樂苦無多。持杯送君君顏酡，停鞭爲我聽高歌。

讀王季延思親十二章

感時頻欲訴離憂，况久長安滯遠游。暫擁虎皮仍
作客，尚餘雞骨未銷愁。斑斕白髮人千里，松檜青
山夢一丘。知是蓼莪難再讀，可能無淚灑王裒。

庚申除夕得朝字

冬來髀肉每驚消，纔對辛盤一解嘲。
國事今年多集蓼，歲時此夜又傳椒。
猶將蠹簡論工拙，偶到鄉書散寂寥。
幾度寒鉤送殘臘，謾誇四十未明朝。

辛酉天啓改元元日得氲字

夕燎天門帶曉焚，新年瑞靄倍氲氲。
君王初攬千秋鏡，日月高開五色雲。
莫羨正飜階上葉，書香仍簡閣中芸。
大官聞欲頒醺酒，携共屠蘇對客醺。

上元後二日戚伯鱗招同鄧遠遊楊冷然姚

孟長夜集用移字

火樹將殘夜，條風乍散時。
聊同布衣飲，一慰故人思。
菜甲春肥早，梅苞夕放遲。
泛杯燈影墮，窺牖月光移。
綺陌藏丘壑，清音傲竹絲。
高山如可聽，莫負客中期。

送戚伯鱗之新野

客心愁見薊門烽，行去方城第幾峰。
曉入春陵瞻王氣，夜過西鄂聽神鐘。
家貧青史千秋業，地紀黃

郵故國封總。是名山有司馬。得君謀野一相從。

初春馮上仙賀孝延過集同用枝字

雪消風媚轉晴枝。物候燕山也不遲。梅出地爐全破蕾。柳窺隣院欲垂絲。池塘夢草新催句。石凍題春暖泛卮。暫解朝簪莫辭醉。論文又憶故園時。

春閨

道是春將暮。春光閨復增。酒逋遲不厭。宦拙久何能。煙密舞新柘。風和泮積冰。韶華嗟虛度。錯記昔年曾。

奉題曾老師蓮塘世族圖十二韻

盤礴何妨便解衣。顧瞻喬木起皈依。真人久已行天際。處士猶堪動少微。築舍蓮塘香繞屋。飲泉梅井釣垂磯。河汾素業編應舊。沂水鏗音瑟屢希。閒譜荔枝瓢。夏熟徧栽楊柳葉。春肥聚星史。奏荀陳似避地人。驚魏晉非鄴卷。萬籤留滿架。王槐三樹種成圍。竹林豈必誇諸阮。漢室終須相二韋。燕翼彩生池上鳳。葦毫花映閣中薇。早看松檟輝幽壑。仍載弓裘到北扉。畫倩長康推特妙。頰添裴令儼。

依稀懸時好，傍藜燈側常見。君王撤炬歸。

上巳後一日同何龍友吳元甫丁天行侯若

樸補修禊詩分行字

一春風信廢郊行，却為春殘動客情。修禊坐憐佳
景過，啣杯續對晚林晴。曲池新水遲迴漲，芳樹遙
禽緩送聲。若憶永和千載事，渾如昨夜月初明。

得梁大胸書却寄

自作三秋別，詞壇久寂寥。朔風飛鴈斷，南國美人
遙。桃葉深春渡，梅花夜月邀。相思懷永好，何以報

瓊瑤

問倪武雙病用館中諸子韻二首

一官閒耐病，經時藜火然。燈夜照遲久，傍茗爐頻
煉藥。暫辭麴社苦吟詩，閣懸晝日護花夢。閣鎖春
風柳絮知，惟道阿嬌猶貯屋。無情翻作有情癡。

其二

偶扶筇杖到山居，歸暮還投問字車。不解閉門長
謝俗，多聞伏枕遍題書。馬卿作賦思仍渴，枚叔觀
濤氣未除。君是廣陵江上客，憶來七發定何如。

送姚聚之奉常南還二首

遼海兵戈久，中山謗篋多。如何關塞曲，翻作田園歌。
鳧泛乘新漲，鴻冥避密羅。歸人今夜鬢，憂國早應皤。

其二

予室漂搖甚，君今何所之。朝辭泰時墀，夕返鑑湖湄。
遠道伊千里，盈庭此一時。春風吹漸暖，偏恐雪消遲。

送孔開仲奉大婚詔使留京

三年橐筆佐承明，嘉禮初啣使節行。新玉舟梁迎渭涘，侍臣駢牡入陪京。
采風太史千秋業，介壽仙郎萬里情。暫此甘泉輟詞賦，知君不是羨南征。

送姜燕及庶常還南州

禁林同入賦菁莪，驪曲偏催柰別何。爭識鳳凰翔路遠，漸看鴻鴈失羣多。
名山遊著龍門史，秋水歸乘蠡澤波。莫戀匡廬好風景，清朝不久待鳴珂。

送王季延赴真定胡中丞幕

雁聲頻叫痛離羣，幾欲留君又送君。久矣詞壇推

宿將居然記室作參軍中丞牙纛開桓幕游子山
川邈秋雲此日大刀無可贈滹沱春水望中分

送雷翼雲庶常請假歸滇五首

束髮登朝入禁林三年詩酒共招尋只今離別
應多恨遙望羅川古樹深

其二

書閣親燃藜火譬如君年少更風流欲歲太史名
山業又作昆明萬里遊

其三

親輿同擁去長安畫繡斑衣一路看狄舍不愁千
里望白雲飛出五雲端

其四

靈照山前策馬過爭傳笮箒卽鳴珂誰家玉樹當
年秀偏吸金莖掌露多

其五

一時詞客祖離筵暫出承明宛似仙此去滇南好
秋色應懷斜日到花磚

劉雙節

大江日落吹烈風，浪花濺血腥。鼉宮荏苒戈矛動，
舳舻滿江蘼蕪驚。熊羆賈客帆檣如櫛次，使君歸
舟亦宵至。扣舷惟有琴與書，怒抽霜刃揮君臂。貞
媛對此摧肝腑，更憐愛女年十五。相將一死酬君
節，濤泊雲沉塋湘浦。支祈不應江不靈，未見浮屍
空擗捩。死者不生，生不娶。卓哉重義賢明府，二雛
文采九苞鮮。競修六翮摩青天，義門甲第聯翩起。
泥封紫誥輝彤編，爭頌貞魂照嚴雪。合璧雙沉
竟無缺，鮫人夜夜泣明珠。江流化作萇弘血。

送劉青嶽太史奉使朝鮮二十四韻

重輪麗日兩朝懸，宸綍頻頒下九天。屬國三
韓皆正朔，皇華四牡自先鞭。地臨檀社神仙宅，俗
訪箕封禮樂年。天子舊教同玉帛，將軍久罷遣
樓船。只今沮水春波靜，遙望熊津海月圓。復覩威
儀尊漢室，暫須詞賦輟甘泉。夜辭天祿青藜杖，曉
度神嵩白嶽顛。雙鳳詔啣初卜，六龍爰見蚤
乘乾。皇輿正闢中，興運文苑兼操萬古權。書
購雞林誇貴紙，筆濡狼尾乞題箋。蕃王問字通重

譯太史高談震四筵。躡盡九都將選勝。行過毳帳
已憂邊。况逢肅慎難供矢。數苦遼陽未息煙。盛世
梯航寧足羨。附庸唇齒亦堪憐。乍承玉節河山鎮。
親捧彤綸雨露偏。有道始知新主聖。無人不
識侍臣賢。五雲色映緋袍動。三月程依綠柳眠。細
紀星槎搜絕域。暇銘山碣陋燕然。馬前旂旆經千
雉。篋底圖書但一肩。不是和戎勞魏絳。也應浮海
傲張騫。玄菟郡客爭趨幕。紅藥塔詩又候磚。歸夢
可遙吟塞月。壯心非爲射祁連。但看東土安周甸。
仍咏南薰佐舜絃。祖道莫言離別遠。樂浪晴漲趁
潺湲。

又代二首

鳳閣新宣五色麻。詞臣專遣賦皇華。暫辭劉向燈
前杖。行泛張騫海上槎。帆度樂浪春暖漲。詩題嵩
嶺錦生花。更煩桑土籌邊計。何日遼城息暮笳。

其二

依依楊柳動春寒。祖帳遙傳出上關。問字久知繡
酉室。采風今見入辰韓。馬前旂旆經秦塞。徼外威

儀觀漢官聞道車書同 聖世不須函谷更封丸
送顧九疇請假歸省

顧子挾冊游才名冠東吳一上燕王臺詞賦擅京
都漢主幸同時遂入承明廬雕蟲薄小技囊粟陋
侏儒邊城鞞鼓急憂時涕盈裾揆策慕賈生草檄
擬相如未忘棄繻行慷慨懷壯圖胡爲憶故園一
朝賦歸與狄雲千里飛夢寐繞親閭暫辭子舍斑
還讀名山書余夙深神交在子蓬藿初桃李一門
花與子春風俱步趨中秘直清燕日以娛驚折薊

門柳惜別意踟躕

附輓詩

哭陳居一太史三首

洪邦基

笛。慘。中。元。夜。琴。淒。客。邸。天。方。虛。簪。筆。次。未。慰。泣
骸。緣。死。孝。時。情。短。論。交。古。誼。堅。五。車。空。在。篋。有
泪。徹。重。泉。

其二

射。洪。下。世。日。未。及。鬢。毛。斑。雁。序。鍾。情。最。龍。章。
邁。會。艱。憐。才。誰。箸。借。析。義。更。緣。慳。已。抱。西。州。慟。
那。堪。摧。旅。顏。

其三

羨爾稱詞伯，立身當聖明。世雖留大業，天實忌完名。星應駕湖落，猿隨潞水鳴。遺文堪細訂，敢負簣前盟。

重哭陳居一太史

有序

余以辛酉三月四之日，同項比部希憲居宋館，尋有黔之役，余遷地藏庵。五月十有六日，居一太史見邀，復來掃室布席，移卽五言律所爲唱和也。甫半月，太史病，閱兩月，太史作

古人靈輿且戒，余仍遷庵中舊所。屈指半載，間兩寓往返，再三離別，變幻恍若一夢。卽不及情，誰能遣此。拈得屋宇十六韻詞，翰工拙實未遑計。時八月十有三日也。

文星落東南，嗟君逝何速。竟成一泡幻，難將百身贖。鄴架賦纔滿，鹿蕉夢遽熟。乘維憇齊都，英靈九原哭。緬懷憶故人，情專等骨肉。小草發高吟，頻繁浴膏沐。瞻依失斗山，淒涼望亭毒。撫膺動長吁，血淚可成掬。挽彼黃河流，呼號涕不足。

數我平生苦，夥比太倉粟。絮酒空盈樽，冥鏹徒盈束。只些歌招魂，金壘胡弗覆。出門訴大荒，慘澹雲相逐。叩闥力未能，宸旒佇回矚。感恩知已并，永矢副推轂。

陳夫人疏幾 上其僕尼之潞河志恨

乞恩非下獄，空草自明書。院鼓重闈遠，歸帆一慟餘。脫駢雖魯叟，抱憾獨專諸。引領鈞衡力，存亡願總舒。

哭陳居一庶常三首

王起隆

素車白馬客，孤歸笛斷山。陽淚滿衣文，苑共驚尊宿。殞騷壇應哭，王盟稀乘箕。化鶴魂何杳，擲綬還鄉事。竟違從此羊曇無限慟，西州重過不禁揮。

其二

鱗鴻乍隔二旬餘，錯愕燕中一紙書。馬邑鷄林文價重，龍章鳳綵孝思虛。斗芒折落雲山暗，才子云殂寰海歔。漫道青蠅來客弔，缺歌無復戀車魚。

其三

天涯手足等相憐，細憶交情轉惘然。
繁對枉留，藜火焰，縑開猶帶墨痕鮮。
玄亭牘有千秋業，白里傷無一線延。
獨幸夜光存耀熠，敢辭搜討國門懸。

陳庶常遺集卷之二

秀水陳萬言居一甫著

奉送宮保孫相國致政榮歸序

歲庚申之秋，神廟倦勤，貞皇更始，時又集于
蓼，六龍之御，再見鼎革，新天子嗣，無疆大曆，
服先後典禮，既鉅且繁，又浹月累舉，爲古今來未
有而今宮保孫公先以春卿之貳，攝行大宗伯事，
旋卽真大宗伯，釐攷勅勅，大禮用光，天子嘉有
成勞，爰立置諸左右，公上書言社稷之靈，神

聖代作朝委裘而不亂式克底于中興君之福也臣何力之有焉且臣老矣歲時祝釐思不良拜起又以從顯皇帝陵寢病且憊願乞鑑湖一曲而老于是奉簡命一人綸扉而後輒杜門堅請自履端元服講筵諸大典外矢不躡玉階方寸地上溫綸慰留無慮十數下已知其不可強也褒錫敘廕之恩駢闐優渥勉從公歸老而公且浩然以爲得返其初服夷猶晝錦有餘適焉一時榮公者曰之行也彤綸在前赤舄在後文綺在笥

朱紫在庭皇華在途綠野在林公歸而徜徉會稽蘭亭之下嘯咏秘圖羅壁之巔隱然以東山安石係海內蒼生望春秋伏臘衣緋橫玉老臣虎拜稽首而遙祝天子之萬年猗歟樂哉而其疑公者曰方今冲人訪落于上百司分列于下舟楫霖雨夫旣以特達之知畀公佛時仔肩非公之責而誰責公益出其所學暨僚匡辟弘濟于艱難而愬愬然以鑑湖一曲老惟時二人弗戡遏佚前人光得謂在家不知乎而公于此兩家言皆夷然不屑

也。公之貌若木雞而莫測其德，公之德若猶龍而莫測其用。公之用若廣藪喬嶽蒸爲靈澤，瀉爲神瀆而莫測其倪出爲國家寅清啓沃之臣，垂紳正笏，聲色寂然處而爲宇宙廉頑立懦之品，青山白雲，羽儀卓然可行可藏，可憂可樂，艱大投于躬而足不却，寵榮餌于前而目不瞬，誹譽集于旁而神不變，毋論腐鼠之嚇斥，鸚之笑，不得以爵祿富貴動公，卽所爲和鹽梅而光鼎鉉，名世事業聲施天壤者，公眎此猶一呷也。而余獨有槩于古今之

際。當商周盛時，阿衡之輔湯，孫君奭之襄周，誦並以先朝平格匡弼幼主，成一德紹庭之治，乃其後或勇急于成功之不居，或從容于丕時之在讓，進退之途何綽綽也。三代而下，定策兩朝，執政三世，則無如韓忠獻、忠獻處嘉祐治平間，起宗正立穎王，草制命冊中外晏如，又以其緒餘勤仁英兩廟，山陵之役勞苦功高，可不謂有宋社稷臣而猶不免于王陶諸人之齟齬，僅迴翔安武永興之地，以功名終古今時之相去，豈不異哉。夫惡盈而好謙

者人道之恒也。知止而易退者，臣節之正也。公家世鼎貴，自忠烈公而下，父子兄弟代享易名之典。人躋曳履之班，而公復以端揆之。特簡烏奕而滋大之。于遇不可謂不盛，公自詞林游陟卿相，其中三秉文衡，一教中秘，弓旌薪樵所至，得人而最。後以典神人之清秩，修吉凶之曠舉，揚末命于周。几覩威儀于漢官，于功不可謂不高。夫是二者，于人間世法，皆有盈道焉。而公之遇盛不侈也，功高而不驕也，盈而謙矣。以余觀其數月拜命以來，

上○不○欲○虛○九○重○側○席○之○思○而○下○不○肯○貶○一○身○介○石○之○貞○雍○容○委○蛇○奉○身○而○退○去○就○不○愧○君○臣○俱○休○蓋○有○與○忠○獻○同○其○功○名○而○不○與○忠○獻○同○其○進○退○者○庶○幾○有○古○大○臣○不○居○在○讓○之○風○焉○在○易○之○臣○道○爲○坤○坤○之○從○王○事○而○有○終○也○義○也○乃○必○曰○含○章○曰○括○囊○至○于○六○五○之○黃○裳○而○猶○致○謹○于○文○之○在○中○者○何○也○過○中○而○盈○則○不○免○于○龍○戰○之○玄○黃○夫○能○超○然○于○咎○譽○之○表○而○潛○消○玄○黃○之○戰○者○其○坤○中○之○謙○德○乎○而○抑○有○進○于○公○者○坤○之○上○行○而○泰○也○拔○茅○貞○吉○其○

君子皆主于進而泰之變而蠱也不事王侯其君子反或主于退非樂乘泰而憚幹蠱也大臣之身任天下之重也朝野之間功參半焉世知有用之用而不知無用之用也且上倚公若左右手念公霜露之感慙以一壑借公蒲輪之召旦暮復當大用公以寢淮南之謀而靖遼人之釁東山安石故未得長高枕而卧也乃爲公賦烝民之首章曰天監有周昭假于下保茲天子生仲山甫頌公德也復賦四章曰旣明且哲以保其身夙夜匪懈以事一人美公志也而復賦白駒之卒章曰生芻一束其人如玉母金玉爾音而有遐心公尚繹于斯言其無忘媚茲一人俾伊召專媿商周哉

送梅菴陸公出守惠州序

太史公之傳循吏曰奉法循理亦可以爲治何必
威嚴哉漢吏尚威嚴爲治者無如本始地節之間
而黃次公丞河南獨用寬和爲名孝宣起民間知
百姓苦吏急而法不平輒召次公入司廷尉正旋
從廷尉正游歷通顯復出守潁川其時大蓋高車
朱旛緹軾業爲一時二千石之冠而通侯黃金恩
寵駢蕃未已循吏若斯之重也迺歎歷內外其聲
施必自棘寺始有微意焉夫法所以平畔也使良

有司日驅其毗于農桑庠序而三尺吏復從而繫其後則民無所措手足故曰使吏密米鹽撻雞豚以艾民不如民忘吏也使民畏束溼避投鉅以奉法不如法忘民也棘寺者天下之法總也國朝二千石之貴倨或不能及西漢而慎簡郡國守相自諸尚書郎而外故事得以廷尉正之賢者遷猶有次公出潁川之遺風焉于是梅菴陸公擢守憲州且行矣黃君履素爲公僚偕廷中諸大夫潘君汪君輩謀祖軼而屬詞于萬言萬言謝不敏雖然

公固先君子之同籍也微諸大夫命小子其敢無言猶憶先君子居恒言陸公寬仁長者方公起家合浦合浦之人愛公如朱邑之在桐鄉而以性高簡不善讖阿媚人意婁起婁躡僅循資入叅廷尉評當公之叅廷尉評也一切獄訟自西曹而入北寺平反論難多質成于公會天子齋居久歲不數問決獄幾何一時大廷尉左右廷尉輒刻印不卽予而公尋遷左正若以徐柱之專司而棟臯呂之大憲卽廷中諸大夫平反論難慮無不領袖于

公而公故寬仁長者不待臨園墻棘木之下其和風甘雨之色時見眉宇間暇則與諸大夫登高賦詩詩亦不雕章繪句爲工而善自鳴其意多藹然仁者之言之行也薦紳先生歌羔裘而送之爭依依不能去口而獨幸惠之得良守也惠當粵東名郡其地不大饒明珠象貝之珍而亦不甚虞蠻徭瘴癘之害顧以越在南服古者幾以爲寓公遷客之鄉吾讀蘇子瞻至惠州書稱其土風食物不惡吏民相得甚歡也乃消搖寄跡于篙螺白鶴間若

詩禪酒聖而外無他經濟事業可自見者而數百載而下猶藉子瞻以重惠州况今天下道化翔洽蛟宮鱷浦之地悉去黠汶而耀光明公之得自表樹也視子瞻不啻什伯也出其平亭棘寺之獄訟者以平亭一郡國若庖丁之遊亦恢恢有餘地也惠之父老子弟稔聞公治合浦之政甚詳適館授粲有同心焉公出其治浦者廣而治惠若王良造父之駕輕輶而馳莊馗也屬者東師之弗靖徵發材官儲糗騷動幾遍海內憂時識者患不得豈弟

君子布列郡邑相與黜威嚴而宣惠和如瘳者之
參苓梁肉保畜內固而後足以驅陰陽之患非得
寬仁長者如公安所勝其任而愉快乎惠雖炎微
其倚重公故不減三輔股肱郡也如曰班倭之技
不營垣茨韓白之武不試裨校一惠何足以淹公
則夫通侯黃金有西漢黃次公盛事在異日馮隼
旟熊軾而來庭天子遂當大用公以章顯循吏
卽嵩螺白鶴間誇耀景鑠令人恨子瞻遭遇不逮
陸公遠甚於都哉諸大夫敬從公負弩公行矣

鎮西將軍特進右都督鳳林杜公壽序

余嘗讀兔且之詩而有感也公侯干城國家所以
賴藉武臣不薄乃聞鼓鞀而思將帥之臣所稱躍
馬橫戈奏膚功而酬采芑者今之世則何寥寥也
抑亦有其時焉燭之武曰臣之壯也尚不如人今
老矣無能爲也已若人主之不能早用其才而使
之老者至伏波將軍自少年奉書洛陽遭遇明聖
盡出其師武臣力定東漢鼎而武陵五溪之役據
鞍矍鑠猶不能以功名終然則爲于可爲之時不

爲于不可爲之時微獨其遇主實難卽古名將之
所以相時而處不易易矣余猶及聞鎮西將軍杜
公之起家榆林也年十七卽詣關下以武功爵
故事輸粟實塞出從中丞麾下征繕牧圍試輒效
穎末稍稍得自見時其果勢壯往之氣盡用之于
行間所轄自饒陽而延綏寧夏所任自偏裨而右
都督將軍所遇名王驍虜自順義王部落而炒蠻
明安賓兔宰着諸酋種執訊折馘所至以捷聞旌
旗壁壘讐震西北邊卽以其少壯之才赭瀚海犁

車師有餘威而公不讓也初公爲偏裨時虜蹂躪
塞上耕地公三發矢三中酋首自是虜聞杜將軍
名輒散去議撫議剿惟公令是聽古北之欵紅山
之市俱攝公夙昔之威名解辯稽顙受戎索一時
元戎督府見公舉足便有輕重時令以孤軍壁西
陲時令以遙鎮倘東海而公善戰善守伐謀伐交
無貪功無妄殺有古名將風功高爵貴移疾還榆
林天子猶降裏蹄鮫綃之錫歲時不絕春秋七十
餘日挾名香素琴對客供具南北大司馬每移

書與公提戈復出而公不居也聞公幼讀古兵法
史傳輒慕曹武惠之爲人武惠平吳蜀定江南攻
城畧地之勛宋興無兩而謙恭不伐卒享令名以
余觀于杜公微有似者經營于膂力方剛歸休于
神明不衰而角巾還第口不言功庶幾江南勾當
公事之槩焉抑杜氏世將也公有弟鎮遼東三路
之師身先矢石血戰以殉國家而議者猶欲加
以輕進失律之名爲觀望罪帥地公之告老而不
出也豈亦相時而處早見于今日之不可爲而然

耶令以馬革裹屍之伏波許公弟而以衣七綈袍
坐素胡床之武惠擬公公寧安之乎公曰唯唯否
否吾老矣吾子文煥稍稍閑將畧能爲疆場之事
盡出其師武臣力以報老臣之未竟白髮武夫得
以伏田野而聽王師之凱歌有餘榮矣會文煥
來丐余言爲壽余遂次第其語授之兔置干城卽
所以不朽其親者在是豈必酌此春酒以介眉壽
哉

萃翁曾公六十四壽序

閩曾子大雲成進士余得以同籍兄弟之好讀其
文習其人時時暱就而心儀之大雲循牆謝不敏
曰家先生之教也蓋大雲之尊人萃廷翁幼讀父
書慷慨有大志而厄于時試婁蹶至艱一諸生已
棄儒不就隱栖清源一壑間舉丈夫子三人仲爲
大雲旣舉大雲課之讀則私語人曰是必大吾門
而歸從家塾督所課輒昕夕寒暑不稍間間小憇
至厲色譙讓逮戊午大雲舉賢書持一觴壽翁翁

猶不色喜語大雲曰其自今日射策登朝致身揚名實基之若猶未也吾滋爲若思大雲謹受教策馬上長安聯第需次謁選人則復遣一介貽書伯若季爲持一觴壽翁而翁千里誠大雲曰豈繫惟若父之教曾氏之有今日也猶泉之有源而木之有芽也若亦記若王父之子而孝若王母大王母之婦而貞乎婦貞子孝臣忠其揆一也造物者積累醞釀於其先而後克昌於而後其自今日節儉正直光顯厥祖肆不殄厥問實始基之若猶未

也吾猶爲若思於是大雲授令臨川潘花宓棊行以其學試之政矣道歸省覲具述翁指於二三兄弟之嫻於文者謀爲詞祝翁而漫及余余媿不知所爲頌因復從大雲叩翁居恒梗概則聞翁性至孝先後事太公若媪毳臙滌灑而外色養孺慕靡間也性至儉茹淡食素以爲固然一切蔬房臺榭側載翠芷芻豢稻粱巾童僮女之好不分于胸中卽大雲貴顯自若也性又至伉直生平事無不可對人言與人處令人從衣襟間洞見肺腑聞人過

引繩相規一時里中人畏爲曾君所短勝畏刑罰也翁之所載者厚矣而翁欲然不居時置諸子膝下歸德於其先世之孝貞蓋翁之所持者謙矣易六十四卦所言吉凶悔吝若陰陽寒暑之相乘而獨于謙之六爻皆言吉言利天道所益地道所流鬼神所福人道所好胥萃焉謙象地中有山地之爲坤也厚德載物應地無疆妻道也上承一之貞而下啓臣之忠翁之所以爲子爲父者皆坤也山之爲艮也敦艮之吉以厚終也載厚而持

謙成始成終之道也翁今春秋六十有四卦體也懸弧於十有二月月在丑艮位也玄陰盡而青陽來至柔而動剛坤數也以體以位以數皆宜集天地鬼人之慶而享令名無窮大雲顯隆懿爍之業嚆矢循良三年間徼殊恩于天子翁尚未耄也嗣此顯黃耆而酌大斗公卿奉杖大夫進履太史氏執管而揚厲曾氏之家乘余小子額手埃之今日者釀酒割笄伐鼓蹲舞而聽南山之謠何足當翁萬一哉

誥封張母霍太淑人壽序

天地間凡根不厚源不深者必不能挺千尋之材而濬萬里之潤江海之能灌溉也而河爲源豫章之木之堪柱石也而山爲托體由來名公巨卿勲猷奕葉保世滋大者開先徵祥必於母德往往而是余讀史至宋張齊賢事未嘗不羨以爲千載盛觀也齊賢歟歷崇階致位政府其子若孫皆聯翩圭組世登朝籍而母晉國夫人年八十餘時昇板輿入謁禁中天子以爲福壽有令子手詔存問厚

加賜賚縉紳榮之。史冊書之。於都盛哉。植根厚而發源深。嗣後爲張氏母。鮮有能比擬者。後數百年而復有沁之霍太淑人。單福隆厚。先後媲美。可稱兩張母云。霍太淑人者。封公張大叅之配。方伯海虹公之母。而侍御見平君之王母也。其從侍御而稱王母者。孝廉而下。曾玄子。姓內外。繞膝至八十餘人。于是太淑人春秋八十七矣。尚強飯健。視神明。炯然。以季冬十之三日。爲設帨之辰。會方伯公以入賀。萬壽將晝。繡旋里中。上大淑人觴。而侍

御君。西江驄馬。新移簡命。按東遼。亦且過里。以須之役也。鶴髮麟趾。于堂于阼。豸繡龍章。于函于御。極一時青紫銀黃。珈笄綸翟。鞞鞞雜沓。慈幃視箕疇。五福所云。富壽康寧。無一不備。而于人世所稱希覯。難得之事。若全而萃諸太淑人之一身。雖有善辭。且奚祝哉。獨太淑人。所以致此者。有道焉。當霍太公之生。太淑人也。私謂此女有福。德不可字。常人富室。蹇修屨滿戶。多謝去。而心許張封公。蓋封公有母。竇太君。夙以栢舟之節。聞沁

中而封公幼侍熊丸開敏負令譽太淑人充瓊瑩
而歸張氏之門雖雖然樂也封公時家殖中落太
淑人以素封之女當之無幾微動顏色悉出簪珥
爲之策廢箸黽勉同心椎布操作不告勞也教子
若孫讀動以禮法規繩時課所業而勤惰程之惟
闕之間肅若朝典不溺慶也子若孫相繼成進士
登朝旣貶封貴矣乃位尊爲太淑人布素猶里
婦齒尊爲曾王母莊敬猶少婦不變塞也宗黨嫺
姁老幼無依者厚事撫恤下逮臧獲御之多顧其

私不吝施也性獨不佞佛里巫有以因果焚修之
說進者正色而謝之不惑志也蓋方伯公每爲余
言太淑人德如是初方伯公宦遊齊洛間時時走
使起居太淑人太淑人輒貽書方伯公曰老婦躬
親紉衣猶針不失道却杖登樓猶僂僂不後少年
諸婦也諸婦晨夕治卮薨洗腆足以自飽含飴弄
曾玄足以自娛國家方多事勉旃靡盬無遑將
母爲用是方伯得以專精治藩臬之政保釐妝寧
所至有聲今且與侍御君拜前拜後而稱百歲之

觴燕喜受祉于驅馳。王事未有礙也。計太淑人之引年如日升月恒方始未艾方伯公父子之勲名如嶽積川增亦方始未艾將來名位遭際豈啻方駕齊賢夫齊賢雖奕世貴顯顧其子多席恩任為閣門內殿諸秩未有能頡頏侍御者獨遼兵一役代郡東西之策齊賢勝筭不愧樞密而宗誨處鄜州之亂謹嚴斥埃籍入禁出退元昊之師方今遼左軍興二東震動而方伯公綢繆桑土于內侍御君展布韜鈴於外又當有壯猶文武超出當年

十倍者太淑人異日動宸眷而蒙異數源深根厚又曷可尋常測量哉易坤之彖曰安貞之吉應地無疆太淑人以之中孚之九二曰鶴鳴在陰其子和之我有好爵我與爾縻之方伯於太淑人以之晉六二曰受茲介福於其王母侍御於太淑人又以之余辱方伯公忘年之交弗獲登堂歌闕宮之詩輒為推述盛媿俾歸考鐘鼓而奏之太淑人知太淑人必粲然更進一觴也

停封實記序

或問張子房李長源之功孰高曰留侯異而權矣
顧令商山之老既出而漢高心不折於羽翼之成
可柰何且羽翼非人子所自處也舒王之爭不至
於嗚咽流涕則德憲之代皆不能正其始終故曰
人臣之義鄴侯爲正當岳石帆先生爲起部位不
尊於留鄴而三王並封議起獨以抗言力爭事
竟得寢迄今聖子神孫泰山而四維之當事者
猶不急酬曲突徙薪之功不令洛陽年少長太息

無已時耶先生以疏駁東封被譴歸山中二十餘年慷慨經濟勁節凜然桑梓之憂力固吾圉諸不具論論其大者先生卽條然寤歌適軸中乃九廟有靈旦暮予環爲先生勸駕矣

毛侍御疏草序

古稱奏疏之體無如陸敬輿當時外困吐蕃內憂襄鄧而括商僦櫃宮市陌錢蠹政種種涇原變作建中旣敗幾爲臣子所不忍言敬輿以名御史入叅禁近連牋累牘往往感動猜主雖睽孤之雨未盡爲霖然而李唐之不遽爲乾符景福有由來矣主上神聖萬非唐德比而時事稍稍類之遼左羽書焰不弱于壇西之盟而輦轂泄泄以當方難所幸者衰颯霍靡之氣中于樞軸而不盡中于羣

察二、三、憂。國之彥布列言路，猶足震鳴鳳而當神羊。然而玄黃代戰，諭訛時有求其通達。國體洞中窾，卻選牘而課實用，什或未得五也。上又深居久封，章一綫之脉，強半留中。缶盈巷遇之思，不過假雕刻爲抄傳公案而已。如是亦何貴奏疏爲。余往在菰蘆中，輒好讀諸賢封事，每見孺初毛公疏，輒心折而客歲讀公漕政疏，庚詳先是公初入西臺，鋤擊一二邪黨，一時丰采冠冕，班行驄鞭，萬里入黔中，不浹月以讀禮歸黔苗情形片牘了。

然具矣。已起丙舍行漕，會歲賜泐黃一帶如線，舳艫秋梗，公晝夜巡河干，畚鍤挽輸幾于飛渡。榜人啣尾而南，河漸尚未合也。唐葉關中廩竭，材官脫巾藉，韓滉三萬斛入陝，以無恐時，卽敬輿論，思朝夕無兼勞，而公以端公之慷慨兼波，臣之拮据心苦而功高，事詳漕疏中。合公前後諸草披而讀之，王臣蹇蹇之風具在也。或以爲賈長沙之痛哭，可或以爲鼂家令之言事，可或以爲蕭鄴侯之條畫，亦可。今且奉簡書視學江南，經術經世，懸鵠而

衆儀之卽以爲韓歐起衰變體之文何不可哉余
通籍年餘搯擘時事顧猶然鉛槧書生杞國人徒
憂天墜耳公才大而識沉訥謨遠猷仔肩世運中
外望之爭以爲濟川之舟楫支厦之榱桷而以縞
帶之驪出是編屬弁簡首夫是編亦何足盡公哉
南國人文化成旦暮入叅禁近朝家倚毗不至
浸尋爲建中之不忍言異日頡頏敬輿知不獨以
奏疏名矣

金剛集篆序

金剛經之有集篆也宋僧道肯因五代僧夢英所
集十八體而廣爲三十二體者也篆經之有刻本
也汪中丞靜峯獲之黃蓮洲後命其門人洪度摹
勒壽木者也木本之翻而爲石也徐中丞雅池爲
摩訶菴作一大事因緣而余適觀成者也汪中丞
所序刻本說法甚詳謂此經從大水中浮篋而來
經行觀息朝夕與俱最後數年而廣傳於白下可
謂奇矣徐中丞復以究竟堅固法勒石燕山工甫

創余以計借携笈菴下爲之歡喜讚歎者久之會
篆旁將釋以楷菴僧性宏出黃太史縝軒所書金
字經一卷屬客雙鈎未甚佳好余請爲手書諸石
嗣黃學憲貞甫至首肯以爲然遂先余寫開經偈
一時臨池名手爭願以筆墨緣皈依法寶而余偕
同館二三子圓滿勝因亦一快也余嘗聞寫經造
像總是人天小果有漏之因然未有蟲魚蝌斗蒼
集於貝文金簡中且出沒洪濤巨浸而呵護天龍
流傳國土如此本者今且勒之貞珉萬劫不壞余
卽不能如劉慧斐學道匡山亦將以文字般若參
無上妙義樂觀厥成豈偶然哉工竣爲識歲月時
天啓初元閏春十一日也

寒燈隨筆序

嚮來者宿說書宗宋儒近來雋慧說書尊卓老塑
聖賢於語言文字際者宋儒也塑宋儒於語言文
字際者讀宋儒者也戈宋儒於斷語言文字際者
卓老也戈卓老於斷語言文字際者讀卓老者也
聖賢語脉心印字字虛空字字真實無論帖括學
究道學先生粘牆貼壁不堪依樣葫蘆卽趙州布
衫鳥窠吹毛捧喝機鋒叅到精微尚無着脚處此
寒燈隨筆之所爲作也其說非宋儒之說非卓老

之說非帖括道學之說又非捧喝機鋒之說而張
無始先生之說也余與先生定交來相對都不作
第二乘語頃過淮上出其所評壇經及刪註楚辭
諸刻固已脫離津筏斬破葛藤而是編尤其生平
本領所悟入者病次河濱歆枕簡讀陽氣猶浸淫
滿大宅也令門外漢對此膏肓不當十去二三耶
先生科名官秩不備其才而心口快辣致中忌者
迴翔郎署遂十五年牢騷不平之氣時見筆端顧
抵堪向我輩人作我輩話政恐索解人不得耳

丁卯趨制義序

卯趨壬子鄉雋余雅慕其文願拜下風未之役猥
忝同升一見定交歡然莫逆其議論與余如水乳
合如函蓋契交相恨見晚也已余濫竽詞選復追
隨卯趨後塵一時勝友天才駿發則有倪武雙標
格高潔則有張扶搖而韻度沉雄兼苞衆有則推
我卯趨三人咸出錢麟武先生門望之精銳如林
真令人不戰氣索適卯趨過齋頭手平時經生言
屬余序噫始讀卯趨文亟願交卯趨今交卯趨復



原件短缺

P26

得盡讀印趨文志至而氣從之氣至而筆與舌從之雖挹採千巖搜剔萬壑愉快寧逾此哉昔君家敬禮嘗謂文章自得無煩他人鑒定而印趨獨臭味余余雖不文言何能已行見印趨自此軒翔木天黼黻鴻業松夢之叶拭目庶幾然則讀印趨文者當與晁董公孫諸不朽文字並觀無猶然曰經生家言也

倪允昌制義序

天下患不得救時之人亦患不得救時之文君子觀天察變人人能從筆墨蒸動處得氣之先要以世之耳而目之者往往視冠冕之一人以爲登高之招南宮舉首而後則無如詞林之領袖矣此一人者而氣不足開天下先耳而食之抑又甚焉何時之能爲吾友倪允昌氏才情肝膽具以豪傑自命夙登壇坫雄視廣陵吾聞觀濤於廣陵之曲者洪淋淋焉若白鷺之下翔浩浩澄澄波涌雲亂若

三軍之騰驤意允昌孕靈吐奇發而爲文章將無
似之徐讀其制義一編源經術而流風雅殆未可
以揣摩盡也海內名勝多願從允昌周旋行間或
習允昌騷壇豪句麴社快觴謂允昌慷慨俠烈舉
體無常人事而不知其沉酣名理中躊躇四顧乃
復至此允昌有心人哉今且首入中秘領袖羣彥
造物者厚畀以救時之才而復尊儲以救時之地
允昌之人之文其不以石渠天祿之優閒忘情天
下事明矣茲刻其氣之先乎昔晉人品目時流爲
一代盛譽者曰揚州獨步王文度余戲欲以允昌
姓名叶之此語似諧而莊蓋知允昌種種自當獨
步不獨以文章家冠冕清班而已也余媿瓦礫在
後願與允昌大業相切磋亦無庸以文詡矣

陸幼瞻全稿序

春日遲麗羣芳俱寒蘭蕙托圃結冰根而吐玉芽
以當時好弗入也高士擷之神清美人紉之馥烈
猶曰幽情韻事致偏饒爾一日入曲江綺羅叢中
金錢亦復踊貴同心之臭顧不愉快與往時過當
湖馮茂遠許茂遠築耘廬于湖之東北徧集羣彥
哦咏其中余從廣坐中見幼瞻弱不勝衣而神氣
閒遠竊心異其爲人是殆有心當世非僅以菰蘆
筆研鳴者時余兄舜稽氏亦與諸君子俱具爲余

述幼瞻生平故超因出幼瞻所爲文示余余益狂
叫起舞恨相見晚也幼瞻人如木雞而其爲文如
俊鶻飽鷹游龍脫兔每讀幼瞻文令人媿二十餘
年揣摩遜謝弗如也而幼瞻果聯翩掇上第一時
麟經名宿如孟長諸兄弟輩皆讓幼瞻爲先鋒余
亦猥廁後塵若沾沾有私慶者不慶幼瞻繡歲得
高名主臣屢屛之師幸同凱歌竟上而慶兩人相
遇乃在兩人未遇時亦一快也幼瞻謝承明之選
爲司空尚書郎余數數過署中見所綜理井井若
老吏與譚當世之務詞旨不煩多中肯窾太史公
傳留侯稱其運籌決勝有魁梧竒偉之功至其圖
狀貌若婦人好女假令當日貌若不勝衣之幼瞻
卽他人善品目或僅以爲文人韻士已耳亦安能
求之菰蘆筆研外知其有心當世爲今日勝其任
而愉快者乎余特爲詳序其文以自比于同心之
蘭世有識者毋徒向曲江綺羅叢中羨今日之幼
瞻爲貴侯亭榭物也

李元敦制義序

蜀○中○山○水○富○天○下○而○文○章○亦○因○之○相○如○詞○賦○子○雲
 太○玄○諸○勿○枚○舉○卽○如○有○唐○青○蓮○少○陵○兩○家○一○如○峩
 眉○萬○仞○積○雪○參○天○一○如○龍○躍○天○門○雲○蒸○雨○驟○謂○非
 劍○閣○錦○江○毓○之○靈○乎○然○兩○公○絕○代○詞○人○亦○有○各○不
 能○相○為○處○仙○風○道○骨○論○者○多○左○袒○青○蓮○要○之○網○羅
 垠○壖○少○陵○亦○何○可○當○也○則○未○嘗○不○嘆○蜀○才○之○盛○而
 更○嘆○天○生○兼○才○者○之○難○今○年○讀○年○友○李○元○敦○文○始
 適○然○驚○規○然○失○確○然○以○為○世○原○有○兼○才○也○元○敦○西

蜀名魁射策南宮。余獲與締同門之好。其文根本六藝。組織百家。姿態橫生。初無定質。嘗試取一讀之。見謂有餐霞吸露神遊八表之風華矣。而未始無憂玉敲金獻三大禮賦之鉅麗也。見謂有供奉金門醉墨淋漓之放曠矣。而未始無行遊夔峽悲歌慷慨之雄奇也。有瑤林玉樹一塵不染之姿。而亦不乏躍馬橫戈萬騎騰裝之氣。有威鳳鳴臯。翔翔千仞之致。而亦有神龍戲海。播盪百怪之奇。蓋元敦之才。真以青蓮家世而兼總少陵門風。奔走古今。無不如意者矣。彼拘拘焉守一先生之言。自以爲足者。不且河伯於海。若耶人亦有言。不聞今人借才異代。昔有兩公。蜀才不得不分。有元敦蜀才。又不得不合。元敦之文。出我知劍閣錦江北。於有唐當更增色也。

史醇父真稿序

昔周公瑾當盛年經畧中原自居巢春穀而後領
護軍有宿將不相稟畏久乃服曰與公瑾交如飲
醇醪使人心醉余讀之嘆謂舉業一道所入有深
淺不同何獨不然生今之世譚今之舉業人爭龍
變虎躍爲洞心駭目之觀求其涵濡名理苞蓄奇
藻能使人久而心醉也者吾見亦罕矣余沉酣此
道有年三敗屢劬輒借偏師馳突倖捷桑榆然還
顧面目非是未免至今意嘆已同榜海昌史醇父

文出歛顏嘆服不啻宿將之於周郎也敦父文有
王氣不屑偏霸餘威竒藻蔚然名理泓然情深文
明而有文不盡言之致言近指遠而有言不盡意
之蘊一切勝心浮氣無纖毫得掛其筆端時至氣
行譚笑指麾自然風雲聽命部曲稟從我咀味之
真釀母厚而中邊甜不覺心醉神怡謂我弗可及
也已矣雖然當公瑾出夏口當陽時蒙衝鬪艦帷
幕牙旗種種竒師雄吳禡魏此寧僅僅醕糟醖醢
者饒爲之醇父才鋒無敵而更出以涵濡苞蓄之
久自此辭鉛槧而規經國大業必有居江東功烈
上者服周郎將畧獨余一人哉

趙馭初稿序

吾友謝雲卿江左名宿也每與余題目羣彥多不肯自下顧數稱海上趙馭初才間持馭初文語余謂名士無多人故當令平子知時馭初韶年藻譽已騰滿大江南翼若垂天之雲余櫪驥耳主臣不敢當馭初不自意曲江盛事遂稱友昆亦一奇也初余借雲卿讀馭初文正如周侯桓廷尉欲爲高坐作目而未能一以爲卓朗一以爲淵箸神候眉宇幾謂似之今得日習馭初之人盡窺馭初先後

所爲文爽然莫測所至也。馭初以戴記首舉于吾友錢以時太史之門。太史亦數稱馭初才。謂當處之蘭臺石室間。一時物望推許。幾遍京洛。會以試牘文太奇。不果入。而需次爲令。馭初了無愠色。曰。吾令也。豐荒玉穀。士各有用。何區區蘭臺石室爲。而簡輯筭藏壽梓。獨不忘昌歎之嗜。屬序于余。余終主臣不敢當。馭初顧以余所聞文章一道。在寸心。千古之間。世貴耳。食耳。吾愛則吾鼎也。當馭初歌萃射策。聯翩貴顯。世無不艷稱馭初。而馭初夷然不屑。余亦不至。是知馭初頃馭初謝去金馬門。烹伏雌于函牛之鼎。世又或疑造物小用馭初。而馭初亦夷然不屑。余以是益知馭初蓋馭初自此遠矣。朝日方旭。停雲永思。歸以語雲卿。尚領余言哉。

長安小草序

晉室傾亂，謝安石身繫蒼生之望，不能早自建立，取蜀平胡，僅僅從桓大司馬出山，神州陸沉，不得不與王夷甫諸人分任其責。郝叅軍遠志，小草之論，有激乎其言哉！吾友吳伯霖氏夙負命世才，築圃錢唐，江干讀書自娛，所著述業以數十百卷行，而坎壈不得志于時。今歲春官復遭按劍會，國事多艱，邊庭赤白羽，旁午至，輒慨然嘆曰：大丈夫不能當此時，曳尺縶分縣官，憂尚屈首經生蠹魚。

爲。于。是。謁。選。人。請。爲。上。饒。長。去。而。僦。居。長。安。可。數。
月。問。竒。之。履。錯。于。戶。于。喁。響。答。感。憤。鬱。起。有。韻。無。
韻。之。言。遂。復。盈。編。自。題。曰。長。安。小。草。嗚。呼。伯。霖。小。
草。哉。以。伯。霖。之。才。不。及。登。承。明。著。作。之。庭。潤。色。鴻。
藻。不。得。已。而。棲。遲。即。舍。以。牢。騷。自。鳴。卽。小。草。我。伯。
霖。故。當。而。太。史。公。傳。虞。卿。獨。謂。非。窮。愁。不。能。著。書。
以。自。見。于。世。且。宇。宙。大。矣。三。年。而。南。宮。一。第。鱗。鱗。
進。賢。冠。滿。長。安。其。能。飽。酣。腹。筭。縱。橫。墨。兵。經。術。經。
世。務。可。當。伯。霖。者。幾。人。目。今。邊。患。囂。訶。卽。萬。不。至。

憂。洛。陽。銅。駝。誠。得。才。如。伯。霖。數。輩。者。救。寧。中。外。顧。
可。少。哉。而。造。物。必。欲。顛。倒。英。雄。不。得。不。持。王。處。仲。
如。意。擊。唾。壺。口。缺。世。自。小。伯。霖。伯。霖。不。小。也。伯。霖。
行。矣。士。各。有。志。才。各。有。用。知。不。屑。以。征。西。司。馬。自。
居。卽。令。郝。叅。軍。笑。人。必。有。爲。伯。霖。受。其。過。者。矣。

偃松軒合菴序

偃松軒合菴者合譚君孟恂李君會嘉稅而行之者也蓋吾鄉有譚駕部聖俞李司李君實兩先生者並以文章主盟一時兩長君世其業而縱橫作者之林堂構淵源所從來遠矣往先君子曾與兩先生皆同研席交會司李先鵲起嗣從駕部同舉師門猶憶余兒時輒得下食共笑語不啻忘箸筆竊聽也駕部之言曰士爲文苦不真竒今之文而真則不王瞿傳矣古之文而真則不左馬韓頭亦

傳矣。余心領之。而司李工爲古文辭。及有韻騁偶
之言。淹博淵灝。以奇著。余心跂之。今乃復得與兩
長君世修。研席之歡。亦一快也。先是孟恂刻其水
香居。稅司李序之。謂孟恂詩情禪觀。百家子史之
菁華。無所不摺。摭富。有故。其文無意爲奇。而真奇。
以余觀於會嘉。亦復如是。大都兩長君才同。品同。
臭味同。會嘉結廬苧村之南。去孟恂別業不數武。
收貯煙雲水木之致。同發而爲文。無弗同者。此合
稅所由刻也。余因論文人。之以聲華氣類。齊名競
秀者。前代則有李杜。有溫李。國朝則有王李。有
李何。會嘉旣身承隴西之裔。而孟恂將以一人而
兼少陵方山。濟南北地之長。豈獨當以經生之技。
焜耀堂構哉。夫以經術則少翁之于韋氏矣。

屠貴長稿序

貴長於沈受繁爲外兄弟則余外兄弟也而其從
父德胤君復於余爲社兄弟余故知貴長最稔茲
以行稿屬余序受繁寔從臾焉余讀而有感於屠
氏淵源之遠也昉康僖公起家成弘間敷歷中外
以功業顯而所著太和堂詩文爾雅開一代之盛
宮諭公繼起肅皇朝出入詞林以風節顯而所
著蘭暉堂詩文高古又足振一代之衰箕裘世紹
至今文章甲第領袖紛楡而石渠先生博學宏聞

獨老困諸生間而思韋先生鵲起北雍竟中蠶語
不得自表見則顯也者有以不顯顯也其顯者關
先於曾玄而其不顯者注餘於孫子舍貴長曷屬
哉余嘗謂世家華胄其多讀書好爲文章也有三
易焉有室以爲堂故易仍也無薪糈之憂以寇志
故易箭也家多蓄異書竒秘足供漁獵富搜討故
易積也而積亡如其不積崙亡如其不崙仍亡如
其不仍則統袴之難於卑寒也十倍貴長英齡妙
慧沈心博覽居恒侍德胤側閉門攻苦絕無鬪貴
鮮華之態德胤亦時時快與阿咸交勗其所易而
不中於所難今貴長踵洙詞壇而其文雲流風駛
月映霞標一時郡邑大夫甲乙文品競推屠生白
眉而精進未已超乘而上卽清玄折支許之鋒淹
雅奪班揚之席不足言也寧康僖而下之風難再
見焉而貴長猶若循墻謝不敏者曰吾於賁則初
之趾也於漸則二之磐也將以余言而爲彘彘束
帛也與哉余所知者爲貴長占羽之儀而已矣

何龍友雲笈編引

羊城之南有何君龍友焉其文奇博而高凝其人

魁岸而澄淳余既得廁龍友後薦禮官臨軒之

籍復幸與龍友名相武也顧經時未及識龍友一

日過龍友齋中相視莫逆徐窺其几案間則雲笈

一編在焉旋復手書一新詩示余鏗然者宮商之

音而燦然者臨池寶色也夫詞翰與文章有二道

哉宋儒之廊廡與漢魏晉唐門戶總畸人高士之

所涉而不有變而日新如三十六洞天寶錄金函

所稱神仙家大都主于蟬蛻羽化龍友之文之人
將無似之試令展卷一讀龍友文再從清風明月
之下高坐朗吟對我龍友真如浮丘公王子晉上
朝玉帝遺跡金壇鳳笙悠悠不覺千古無響也此
雲笈之所由名歟今龍友方將飛騰木天潤色鴻
藻而余不佞漫以天涯臭味領畧玄風卽不得執
青節從白蜺陪崑崙之庭而傾倒沆漿玉液其猶
幸而得序斯集也亦幾飄飄乎仙矣

瞻雲外草引

友人王季延挾冊來遊京師居匝歲詩文制舉義
益極深詣屬以尊公春秋高復將南歸自選璣囊
所貯詩題曰瞻雲外草蓋其人負王子安之才而
抱狄懷英之志信乎季延之爲孝子卽一哦一咏
不敢時刻或忘其親也季延所爲詩古文詞大都
偏師直入余稍欲以程不識之律令一佐飛將軍
亡何旗幟遂爾整暇至制舉義精悍竒偉得氣之
先斷非久伏轅下者文章顯晦卽強半遇合繇人

乃流水高山寧患世無夔曠行見季延之制舉義
顯而詩文亦不得晦所以報其親有日也敢書余
言爲券

會稽社卷引

虞仲翔少年負竒致孔北海見其所注易而賞之
曰東南之美非徒竹箭也太史公上會稽探禹穴
而其文益竒况生當其地者乎呂君二如定之所
稱少年負竒致者也旗鼓周旋皆一時名流譽雋
讀其文真東南竹箭哉呂白榆先生以其社卷來
索余評定余望二呂真如芝蘭玉樹生於庭堦視
不佞小草出山不堪供埽除而諸君各以琪花瑤
草擅會稽之勝令孔北海見此知不獨心折仲翔

一人矣。

智永千文跋

永師千文與歸田賦皆真草書千文有粉蠟紙古本藏葉濤家者跋中契濶艱難等語載海嶽書史中人間已絕不見流傳今傳者元刻常安崔氏本耳然末方綱二行已漫漶不可識獨此本筆意宛然楮墨完好洵初榻可寶也庚申小春於廟集偶見以錢三千購得爲健飲茹數日何年得息心謝事以至壹精神直追取其魂魄我信當鐵復褰門筆復瘞塚。

跋沈伯姬書十九首後

陳后山詩蓬萊仙子補天手筆妙詩清萬世功此
女官只做涪翁字法耳令與伯姬並入書苑此故
儼然率更堂庶肯居黃家元祐脚哉閨閣之秀未
咏于歸而筆墨著于金石故是絕代所難履素從
而表章之讀所志伯姬傳又何情深而正也此本
流傳人間遂作翰墨林中一段清話不必京兆眉
嫵亦寧復令人笑奉倩情情癡耶

黃黃裳贊

錫茶瓶

上、齋、第、一、攷、鼎、鐘、銀、瓶、鐵、碾、思、同、功、鄞、山、既、破、錯、
 天、工、和、燈、夜、擣、寒、爐、紅、露、霞、朝、掇、散、芳、叢、非、人、驚、
 見、羣、象、空、好、客、自、煎、鳴、松、風、一、朝、姓、氏、傾、諸、公、坤、
 爻、六、五、文、在、中、

